



石

大明太宗體天弘道高明廣運聖武神功純仁
至孝文皇帝實錄卷之九



四年六月癸丑朔○吳庸等集高郵通泰諸郡
縣之舟於瓜洲○甲寅

上祭大江之神。祝曰：予為姦惡所迫，不得已起
兵禦禍，誓欲清君側之惡，以安

宗社。予有厭于神者，不得度此江。神鑒孔通，昭
格予言。○乙卯，誓于衆曰：予及君等之來，不
得已為救禍計。且上為國家下為生民，賴

天地

宗廟。垂祐獲遂。至此。夫行百里者其半九十。若

望之驚曰海舟皆已降吾何能力於是其指
揮童俊等率衆來降○庚申我軍駐龍潭
上顧望鍾山愴然下淚諸將請曰今禍難垂定
何以悲為

上曰吾往日度江即入京見吾親比為姦惡所
禍不度此江數年今至此吾親安在瞻望鍾
山仰懷

陵寢是以悲耳言已益泣不止諸將皆泣○辛
酉建文君聞緣江海舟兵皆降又聞鎮江降
憂鬱不勝徘徊殿庭之間方孝孺稱疾不起
遣人強起之問計孝孺曰今城中尚有勁兵

二十萬城高池深糧食充足盡撤城外民舍
驅民入城足以為守城外積木悉運入城彼
無所據雖來能久駐乎建文君從其計乃役
軍民商賈工匠日夜拆屋運木盛暑飢渴勞
苦不勝死者相枕藉嗟怨盈路城外積木既
多兵民疲於搬運私縱火焚之火連日不息
西南城崩役兵民修築未竟東北城復連崩
不已兵民老壯晝夜不得休咸有來蘇之望
方孝孺言前遣郡主未能辦事今以諸王分
守城門遣曹國公茹尚書王都督往龍潭仍
以割地講和為辭用覘其虛實以待援兵至

至則選精銳數萬內外夾擊決死一戰可以
成功萬一不利車駕幸蜀收集士馬以為後
舉建文君然其計乃遣李景隆茹瑺王佐來
見景隆等見

上俯伏惶恐流汗浹背不敢仰觀

上曰勤勞公等至此雅意良厚景隆等再三叩
頭不能發一語

上曰公等有所欲言第言之又乃以割地講和
為請

上笑曰公等今為說客耶始吾未有過舉輒加
之大罪削為庶人以兵圍逼云大義滅親吾

今救死不暇何用地為且今割地何名

皇考混一天下為天子諸子已裂土分封各有
定分割地之說孰主張是此又出姦臣之計
也吾今之來但欲得姦臣耳公等歸奏上但
姦臣至吾即解甲免胄謝罪闕下退謁

孝陵歸奉北藩永祗臣節

天地神明在上吾之此心明如皎日不敢渝也
○呈成景隆等歸具陳

上語且曰彼必欲得罪人建文君令景隆等再
往言罪人俱已竄出于外無在京師者俟執
至則來獻蓋用以緩我師景隆等遲迴不肯

行遂令在京諸王與之偕行。○癸亥諸王來見

上對之愴然泣下相勞苦外諸王以朝廷所命之言達

上

上曰諸弟試謂斯言當乎否乎誠乎偽乎果出於君乎抑姦臣之謀乎諸王皆曰

大兄所洞見矣諸弟何言諸弟之來豈得已哉上曰吾此來但得姦臣而已不知其他遂錫宴遣歸諸王歸建文君知事急乃罵諸姦臣曰事出汝輩而今皆棄我去乎長吁不已。○甲

子

上下令禁約將士入城之日不許擅入人家侵人一毫者雖功高必斬。○方孝孺建議堅守不出遣人潛齎蠟丸四出促援兵皆為遊騎所獲。○乙丑

上至金川門時諸王分守京城門谷王穗守金川門穗登城望

上至即開門迎

上遂按兵而入城中軍民皆具香花夾道迎拜將士入城肅然秋毫無犯市不易肆民皆按堵

上慮朝廷事急加害周奔二王遣騎兵千餘馳
往衛之周王初不知

上所遣也愴卒惶怖既知乃喜曰我不死矣遂
來見

上出迎之周王見

上拜且哭

上亦哭感動左右周王曰姦臣屠戮我兄弟賴
大兄救我今日相見真再生也言及復哭不止
上慰止之與周王並轡至金川門下馬握手登
樓

上曰身遭危禍無所容生數年親當矢石瀕於

萬死今日重見骨肉皆賴

天地

皇考

皇妣之祐得至於此周王曰天生

大兄戡定禍亂以安

社稷保全骨肉不然皆落姦臣之手矣時諸王
及文武群臣父老人等皆來朝建文君欲出迎左
右悉散惟內侍數人而已乃歎曰我何面目
相見耶遂闔宮自焚

上望見宮中烟起急遣中使往救至已不及中
使出其屍於火中還白

上

上哭曰果然若是癡騃耶吾來為扶翼爾為善爾竟不亮而遽至此乎時有執方孝孺來獻者

上指宮中烟焰謂孝孺曰此皆汝輩所為汝罪何逃孝孺叩頭祈哀

上顧左右曰勿令遽死遂收之

上慰遣周王歸第分命諸將守京城及皇城遂駐營龍江發哀命有司治喪塋如儀遣官致祭布告天下下今京師慰撫臣民是日有卒於市取民屨者立命斬之先是京師飛蝗蔽

天者旬餘不息至是頓絕而中外召募壯丁聞

上入京師皆解散遠近嘯聚山林者聞之亦皆

歛戢曰

真主出毋自取滅亡耳○丙寅諸王及文武羣

臣請

上正天位

上曰予始逼于難不得已以兵救禍誓除姦以安

宗社為周公之勲不意少主為姦臣所蔽之固不亮予心自絕于天今奉承洪業當擇有才

德者顧予菲薄豈堪負荷諸王及文武羣臣
咸叩頭固請曰天生

聖人以為

社稷生民今天下者

太祖之天下生民者

太祖之生民天下豈可一日無君生民豈可一

日無主况國有

長君

社稷之福

殿下為

太祖嫡嗣德冠羣倫功施

社稷宜居

天位使

太祖萬世之鴻業永有所託天下之生民永有

所賴不宜固讓以孤天人之心

上不許○丁卯諸將上表勸進曰臣聞鋤姦去

惡式揚

聖神之謨附翼攀鱗幸際風雲之會功光前烈

德振中興恭惟

殿下文武英明寬俗仁孝為

太祖之嫡嗣實

國家之長君天生不世之資民仰太平之

主曩因姦惡逞毒鞠光禍既覃於宗藩機欲傾於

社稷集天下之兵以相圍逼使國中之衆不能逃生乃赫怒而奮一隅之師遂呼吸而定九州之衆戰必勝攻必取寔由

天命之有歸近者悅遠者來爰見人心之有在今內難已平之日正萬方忻戴之時宜登宸極之尊以慰臣民之望臣等忝隨行陣仰仗威靈素無遠大之謀竊效分毫之力雖不敢翼雲臺之圖像實欲慕竹帛之垂名謹奉表以聞

上覽之屬聲曰吾與若等初舉義共圖免禍耳曾有心富貴耶不聽○戊辰諸王上表勸進曰天眷

聖明宏開景運宜正大寶未係萬邦恭惟大兄殿下龍鳳之姿天日之表禎祥昭應於圖書

堯舜之德湯武之仁勲業已彰於

宗社通因險邪構禍毒害宗親輒動干戈幾危社稷乃遵承

祖訓奉行

天誅以一怒而安斯民備文王理義之勇不四

載而固

帝業同世祖中興之功武以翦戡克全
皇考之天下文以經緯聿明

洪武之典章實

天命之所歸豈人力之能強願俯徇於衆志庶
永紹於

鴻圖某等誼重天倫情深手足荷蒙極溺得
遂生全祇迓

龍輿早正

天位庶

皇考之天下未有所託四海之赤子未有所歸

幸鑒微忱毋頻謙讓

上不允是日文武群臣復上表勸進

上曰昔元運衰微四海鼎沸強弱相噬百姓無
主

天命我

皇考平定天下以安生民勤苦艱難創造鴻業
封建子孫維持萬世豈意棄臣民之未久而
姦邪之臣恣其兇謀屠滅諸王將危

社稷予時以病志耗力疲惟圖高枕以終餘年
一但起兵見圍令人震懼不知所措國中羣

臣咸言

太祖皇帝創業艱難陵土未乾而諸王次第被
罪吾輩何辜寧能束手受戮予方徬徨顧望
求生而天下之兵日集見逼形勢之危猶側
立於十仞之崖而推之下也故不獲已辛苦
百戰出一生於萬死志清姦臣以匡少主吾
之本心如此而已少主不亮自絕于天今諸
王羣臣交勸予即位夫天位至艱近如建文
弗克負荷幾墜丕圖吾豈虛為謙讓蓋思
皇考創業甚難誠欲推擇諸王中有才德可以
奉承

宗廟者立之主宰得人天下之福予雖北面且

無憂矣群臣稽首固請曰

殿下德為聖人位居嫡長當承洪業以安四海
雖謙德有光復誰與讓且

天命有在孰得而辭

殿下宜早正大位庶使神民咸有所依不宜徇
匹夫之謙以虛天下之望

上固辭不允○已已

上謁

孝陵欷歔感慕悲不能止禮畢攬轡回營諸王
及文武群臣備
法駕奉寶璽迎

上于道遮

上馬不得行

上固拒再三諸王及文武羣臣擁

上登輦軍民耆老萬衆夾道拜頌懽呼連稱萬
歲

上不得已升輦曰諸王羣臣以為奉

宗廟宜莫如予

宗廟事重予不足稱今為衆心所戴予辭弗獲
強循衆志然宜協心予不逮遂詣

奉天殿即

皇帝位諸王暨文武羣臣上表稱賀是日京師

人民懽聲動地初建文時有道士譔于途曰

莫逐燕逐燕日高飛高飛上帝畿已忽不見

人莫能測至是始驗其言云○復周王橐籥

玉樽爵土○夜月犯壘壁陣東五星有星如

雞子大赤色出羽林軍東南行至迤濁○

洪武三十五年夏六月庚午命五府六部一

應建文中所改易洪武政令條格悉復舊制

遂仍以洪武紀年今年稱洪武三十五年復

諸殿門舊名蓋建文中改謹身殿為正心殿

午門為端門端門為應門承天門為皋門正

前門為輅門至是首命撤之悉復其舊云○

陸金吾左衛指揮僉事馬興千戶王成俱為
府軍左衛指揮同知張得為本衛指揮僉事
○復中軍都督李諒旗手衛指揮李忠官蓋諒
等皆建文中斥罷故也○辛未製皇帝親親
之寶○陞燕山中護衛為羽林前衛燕山左
護衛為金吾左衛燕山右護衛為金吾右衛
俱親軍指揮使司○論具舟濟師功陞高郵
衛千戶胡深等二百四十二人楊州衛指揮
同知陳昭等百二十五人各一級賜鈔有差
○命刑部員外郎宋禮署禮部事改廣西按
察僉事汪恭為馮驢寺右少卿復洪武中尚

寶司丞徐勝官勝建文中調太僕寺丞故復
之○追封故右軍都督府左都督徐增壽為
武陽侯賜諡忠愍勅有司治喪壙增壽中山
武寧王第三子母謝氏生而眉宇秀朗少嘗
侍父入見

太祖高皇帝奇其機警賜名增壽長而勇敢善
騎射選為勳位帶刀侍從謹賁寡過陞右軍
都督府左都督嘗奉命從

上征胡寇乃兒不花與有勞績雖生長貴盛而
所居一室左右圖書公退延賢士其中講論
古今成敗得失之故亶亶忘倦

上之舉義增壽最效勤誠有發其事於朝遂囚之

上入金川門建文君將自焚命梓至殺之右順門廡下

上即位深悼之首下褒封之命永樂二年五月贈欽承父業推誠守正武臣特進崇祿大夫右柱國進爵為定國公○夜水星犯積薪○壬申備禮葬建文君遣官致祭輟朝三日○癸酉陞指揮使丘福朱能鄭亨徐忠張武陳圭孟善李彬王忠大真陳賢李遠郭亮房寬徐理唐虞陳旭劉才俱為都督僉事王聰徐

祥趙彛俱為都指揮使張輔陳志李濬張興王友俱為都指揮同知孫巖房勝為都指揮僉事贈指揮使張王譚淵俱為都指揮同知○甲戌

上諭群臣曰我皇考肇造鴻業垂法萬年為子孫計思慮至周此者建文信任姦回悉更舊制使天下臣民無所遵法予荷

天地

考妣之佑繼承

天位允

皇考法制為所更改者悉復其舊爾群臣尚竭
乃心力弼予于治凡人材識不同長於此或
或短於彼苟事有過誤即明言之予不汝責
若隱而不言日久覺露情同欺罔法則難容夫
慎終必先謹始持已在於存誠始終靡愆答
何由至始若不謹曷克有終予念君臣一體
故披露赤心丁寧告戒爾等其欽承予意○
陞都督僉事顧成為都督同知都指揮同知
張信為都督僉事指揮使費瓖朱崇指揮同
知劉江俱為都指揮使王真為都指揮使命亨
為都督同知指揮使王真為都指揮使命亨

之子懋為右都督○勅奉天征討諸將士曰
爾等從朕征討被堅執銳萬死一生勤勞至
矣今朕已即帝位爾將士之功豈嘗暫忘所
求行爵賞者蓋不敢以先郊廟之禮其各具
所建功實來聞毋妄自增加以取尤悔○命
禮部定征討并守城功次凡對敵之際衝入
敵陣搴旗斬將者或逼絕敵陣衆軍隨之克
敵者或深入敵境得其聲息衆軍承之破敵
者或鏖戰之際勝敗未決能出奇制勝者或
以少擊衆或別隊為敵所制而能率衆救援
克敵者皆為奇功陞二級嚴整隊伍當先破

敵者不慢功無過者或出哨殺退敵人得其
聲息者或隨軍殿後者皆為頭功陞一級中
途養病或罷軟不能入伍隨軍給雜役者皆
為次功不陞○乙亥各處守城及有司官次
第來朝○丁丑執姦臣齊泰黃子澄方孝孺
等至闕下

上數其罪咸伏辜遂戮于市

上得羣臣建文時所上謀策悉命焚之有請
上觀者

上曰當時受其職食其祿亦所當言何必觀復
有言建文所用之人宜屏斥者

上曰今之人才皆

皇考數十年所作養者豈建文二三年間便能
成就又曰雖仍其官不宜置之要地

上曰致治必資賢才天生才以為世用隨器任
使共理天工何必致疑○新作

奉先殿蓋舊殿為建文所焚至是改作於奉天
殿之西○製皇帝奉天之寶制誥之寶勅命
之寶○陞前江夏軍民指揮僉事司指揮僉事
張皋為湖廣都指揮僉事○夜有二星如鷄
子大其一青赤色有光出天倉西南行入土
司空○戊寅遣安王楹祭告懿文太子遷其

主於陵園蓋建文初尊懿謚文為孝康皇帝
廟號與宗升祭于

太廟至是禮官言考之古典於禮未安遂命以
主置陵園仍舊謚號曰懿文星太子歲時致
祭如常儀○陞直隸常州府無錫縣知縣韓
約為知州縣丞趙次進為知縣主簿楊舟為
縣丞典史蘇擇為主簿各賜欵十錠還理無
錫旌其擒強賊謝景新功也○已卯以七月
朔大祀

天地預告

太祖高皇帝配神告畢諭禮官曰祭天嚴父國
家第一事必以恭敬為本固當自朕始然陪
祀與執事之臣皆當同朕此敬庶幾感格之
道爾等職典祀事尤宜夙夜直清以率於衆
○夜有星大如鷄子赤色有尾光燭地出帛
度西南行入天而垣一小星隨之○庚辰以
羅義為戶科給事中義本清遠衛戍辛建文
中詣闕上書乞息兵備和忤旨下獄○辛巳
陞陸涼衛指揮使孫霖為雲南都指揮使九
江衛指揮僉事孫榮金吾右衛指揮僉事高
舉俱為都指揮同知榮任山東舉掌飛熊衛
事金吾左衛指揮同知周魯金吾右衛指揮

僉事孫成百戶孫讓府軍衛千戶祁勝羽林
前衛指揮同知王真各為本衛指揮使羽林
前衛千戶劉忠苗旺馬彥中金吾右衛指揮
僉事戚成揚能俱為指揮同知忠旺成各任
本衛彥中府軍衛能錦衣衛金吾前衛千戶
劉伍金吾左衛百戶李端金吾右衛千戶阿
魯帖木兒羽林前衛千戶張興濟州衛千戶
苟信俱為指揮僉事伍端阿魯帖木兒與各
任本衛信金吾後衛

大明太宗體天弘道高明廣運聖武神功純仁
至孝文皇帝實錄卷之九

大明太宗體天弘道高明廣運聖武神功純仁
至孝文皇帝實錄卷之十上

洪武三十五年秋七月壬午朔告祀

天地于南郊其祝文曰嗣天子臣々敢昭告
于

昊天上帝

皇考太祖高皇帝當元季之亂平定羣雄受
天明命奄有天下海內乂安三十餘年允炆嗣
登大位崇信奸回委政近侍改更

祖憲戕害諸王禍機之發將及于臣臣不得已
舉兵清君之側惡以為萬姓請命允炆自棄

于天闔宮自焚臣荷

天地眷佑身命獲全軍民稍安宗王大臣推臣
以長臣不敢辭於六月十七日即皇帝位謹
用今日敬率臣僚以玉帛犧齊粢盛庶品恭
祀于

大祀殿備茲燎瘞

皇考太祖高皇帝配臣神首膺重器不遑自寧
簡在

帝心永惟相祐祭畢

上還御奉天殿下詔曰昔我

皇考太祖高皇帝龍飛淮甸汎掃區宇東抵虞

淵西踰崑崙南跨南交北際瀚海仁風義聲
震盪六合習藝闇昧咸際光明三十年間九
有寧謚

晏駕之日萬方嗟悼煌煌功業恢于湯武德澤
廣布至仁彌流少主以幼冲之姿嗣守大業
秉心不順崇信奸回更改成憲戕害諸王放
黜師保委政宦豎淫佚無度天變于上而不
畏地震于下而不懼災延承天而文其過蝗
飛蔽天而不修德禍機四發將及于朕朕為
高皇帝嫡子

祖有明訓朝無正臣內有奸惡王得興兵討之

朕遵奉條章舉兵以清君側之惡蓋出于不得已也使朕兵不舉天下亦得有聲罪而攻之者少主曾不反躬自責肆行旅拒朕荷

天地

祖宗之靈戰勝攻克擣之于壩上殲之于白溝破之于滄州潰之于藁城鏖之于夾河輔之于盧壁六戰而已不國朕於是駐師幾旬索其奸回庶幾周公輔成王之誼而乃不究朕懷闔宮自焚自絕于

宗社

天地所不茫鬼神所不容事不可止朕乃整師

入京秋毫無犯諸王大臣謂朕

太祖之嫡順

天應人天位不可以久虛神器不可以無主上章勸進朕拒之再三而不獲乃俯徇輿情於六月十七日即皇帝位所有合行政庶並宜兼舉一今年仍以洪武三十五年為紀其改明年為永樂元年一建文以來

祖宗成法有更改者仍復舊制刑名一依大明律科斷一自洪武三十五年七月初一日昧爽以前官吏軍民人等有犯除謀反大逆謀殺祖父母父母妻妾殺夫奴婢殺本使謀故

殺人蠱毒魘魅毒藥殺人及見提奸惡不赦
外其餘已發覺未發覺已結正未結正罪無
大小咸赦除之敢有以赦前事相告言者以
其罪罪之一自洪武三十一年閏五月以後
周齊湘代岷五府被誣陷時文武官員軍民
人等連累致罪者官復原職已故者文官優免
其家差役武官子孫承襲民充軍者復還原
藉為民軍發邊遠者仍還原衛為奴者即放
寧家入官田業照數給還一迺年為事煎鹽
買馬當站及囚充迺運水夫皂隸膳夫人數
一體赦免各放寧家一建文年間上書陳言

有干犯之詞者悉皆勿論所出一應榜文條
例並皆除毀一山林隱逸懷才抱德之士有
司詢訪以禮敦請赴京量材擢用其有志尚
間逸不願出仕者具名來聞一鰥寡孤獨有
司依例存恤毋令失所民年七十以上及篤
癯殘疾者許令一丁侍養其有飢寒不能自
存者官為賑給一山東北平河南府州縣人
民有被兵不能耕種者並免三年差稅不曾
被兵者與直隸鳳陽淮安徐州滁州揚州今
年秋夏稅糧各行蠲免其餘直隸府州山西
陝西浙江福建江西湖廣兩廣四川雲南

蠲免一半其有洪武三十五年七月初一日以前拖欠一應錢糧鹽課改足木植蘆柴等項及軍民所養馬牛羊等項倒死并欠孽牲者並免追倍其弓兵砍辦蘆柴者優免二年一河南山東北平淮南北流移人民各還原籍復業合用種子牛具官為給付一北方學校仍依舊開設毋致廢弛一建文除授并陞調文武官員仍依見職不動軍官有陞職事者止終本身子孫仍襲原職一各處新收勇士壯士悉放為民各安生業所設衛分并軍民指揮司盡皆革去指揮千百戶衛所鎮撫

有係民間并舍人選用者亦皆罷官放還一凡諸色人匠除輪當正班外其餘一應撮上人匠俱各放回依次輪班一各處見造軍器軍裝舡隻一切不急之務盡皆停罷今後有司非奉上司明文毋得一毫擅自科擾於民一自洪武三十五年七月初一日以前軍官為事充軍及罷閒者赦免軍役復其原職亡故者子孫承襲總小旗革役充軍者各復原役一比平衛分官旗軍人有因公差或被拘執不得已赴京者皆免其罪一各處守城官軍有係別衛調到并征進漫散軍士見在他

處者各還原衛所本處官司不許留難阻當
其奉差守城文武官員及內官人等詔書到
日俱各回京一凡軍民人等男女人口有被
官軍拘擄者官為贖還一迺年逃軍并征進
漫散軍士藏躲山林者詔書到日為始限一
月之內赴官首告免罪所在官司發回原衛
所着役一拋荒田土除有人佃種納糧外其
無人佃種荒田所司取勘明白開除稅糧免
致包荒損民一所在城市鄉村凡有骸骨有
司即為收斂埋葬毋致暴露一天下各都司
衛所官軍皆

太祖高皇帝思養者奸臣迫脅調遣拒戰衛冒
矢石情有可憫見存者俱還原衛所其有陣
亡傷故失陷病故者官則傳襲其子孫旗軍
每戶賞鈔五錠戶無壯丁補役遺下孤寡所
司善加存恤願依親願還鄉者聽從其便有
幼男者給糧紀錄出幼補役一沿海軍民人
等近年以來徃徃私自下番交通外國今後
不許所司務遵洪武事例禁治一奉
天征討將士數年以來從朕被堅執銳擲風沐
雨忠勇奮發屢戰屢勝翊輔武功勤勞多矣
簡在朕心宜速論功陞賞以酬前勞於戲文

帝入漢尚質恭儉之風武王詔周頤廣至仁
之化布告天下其體朕懷○書諭世子
曰已於五月渡淮六月十三日渡江至京師
秋毫無犯市不易肆建文君闔宮自焚諸王
大臣合詞勸進拒之再三而衆志愈固遂於
十七日具寶璽法駕由正陽門入即皇帝位
詔告天下日與諸王兄弟聚語始具知建文
君之過彼蓋生長富貴不知

太祖皇帝勦業之難肆情縱欲又為奸臣所愚
侮戕害骨肉昏悖如此豈能久居天位者乎
然我之所以起兵本為誅鋤奸惡肅清朝廷

冀其省悟改過自新豈期遽自殞絕蓋亦

天地

宗社之廬所不容矣念與爾別久恐爾旦夕思
憶特遣海壽報爾我即位以來謹遵

皇考成憲不敢一毫自用汝尚勉之凡百敬慎
毋怠况今天下初定正當居安慮危古人有
言敬勝怠者吉爾須深體斯意○癸未修周
齊二王府宮殿二王建文廢徙之後宮殿荒
圯故命有司修葺之○命禮部凡內外諸司
復舊制者皆鑄印給之○陞湖廣行都司都
指揮同知薛鵬為河南都指揮使都指揮僉

事徐義為都指揮同知正守兗州各賜欵百錠○陞福建都指揮使鄭祥為右軍都督僉事○召前北平按察使陳瑛為都察院左副都御史瑛建文中坐藩邸事謫廣西故召用之○賜天地壇奉禮官陳希道贊祝官楊顛宗各欵十錠○甲享申

太廟○吏部言建文中改舊官制如六部尚書舊正二品陞正一品又增設侍中二員正二品所屬諸司舊有清吏二字皆除去戶刑二部屬舊皆十二司改為四司工部增設照磨所兵部舊設典牧所戶部設贓罰庫皆革罷

都察院改為御史府舊設十二道改為左右兩院御史止設二十八員改通政使司為通政寺舊設通政使左右通政左右參議改為卿少卿丞翰林院舊設學士及侍讀學士侍講學士其侍讀侍講五經博士典籍侍書待詔為屬官修撰編修檢討為史官孔目為首領官中書舍人舊在內府別有印信於翰林院非統屬建文於翰林增設正官學士承旨一員在學士之上又改侍讀學士侍講學士俱為文學博士設文翰文史二館文翰館以居侍讀侍講侍書五經博士典籍侍詔其侍

書陞正七品文史館以居修撰編修檢討改
孔目為典簿創置典簿廳條記而革中書舍
人改為侍書以隸翰林又增設文淵閣待詔
及拾遺補闕增設五軍斷事五軍制祿倉革
罷大理寺左右寺正寺副增置本寺首領官
典簿及太常寺贊禮郎二員太祝一員光祿
寺少卿舊五品陞四品寺丞舊六品陞五品
又增設監事及司園所改司牲司為孳牲所
陞其品極太僕寺丞舊六品陞五品又改
其首領官職名而陞其品級又增設錄事及
典厩典牧二署驕驤等十八羣滁楊等八牧

監龍山等九十二羣官鴻臚寺少卿舊從五
品陞正五品寺丞舊從六品陞正六品又改
其首領官職名亦陞品級革罷司儀司賓二
署而陞其鳴贊序班品級行人司舊別有衙
門印信於鴻臚寺非統屬革罷行人司而以
行人隸鴻臚寺陞國子監丞為堂上官革罷
學正學錄增設欽天監五官監候增設選士
院及應天府知候所改五城兵馬司指揮副
指揮為兵馬副兵馬陞各衛經歷品級又增
設知事增設旗手等四十四衛武學及置錦
衣衛帶管優給武學所教授增置各王府賓

輔伴講伴書各布政司布政使舊從二品陞
正二品參政舊從三品陞正三品參議舊從
四品陞正四品改各處提刑按察司為肅政
按察司凡中外大小衙門有創革陞降官員
額數有增減者及所更改文武散官並合遵
復舊制

上曰如切係軍民利害者可因時損益既於軍
民利害無所閼涉何用更改况前人創立制
度皆有深意今行之既久無弊輒改何為此
其所以敗亡也俱速改復舊制○夜有二星
如鷄子大其一赤色有尾出紫微西番外西

北行入文昌其一赤色有光出西北雲中西
北行至虞中○乙酉

上謂刑部臣曰朕清內難有罪者既已伏誅無
罪者各安職業而內外軍民屢執無罪之人
以希幸賞惡不可長速諭止之違者抵罪○
設靖江王府認議所置認議一員記室一員
俱從七品其屬官奉祠典膳各一員俱正九
品典儀一員從九品○命右軍都督僉事鄭
祥充統兵官鎮守虞南虞南都指揮使盧旺
克左副統兵都指揮僉事歐慶克右副統兵
遇有軍務相機調遣俟境內寧謐鄭祥留掌

虞南都司事盧旺啟慶各就本職○命都指揮使何清往浙江都司蘇州等衛整肅兵備撫安人民○復翰林院侍書黃淮芮善劉彥銘鄒進吳均唐恕王遂吳膝鮑麟為中書舍人○命禮部侍郎兼翰林院學士董倫致仕倫宛平人端厚質實志存利人洪武中為右春坊大學士河南布政使司參政坐累謫雲南建文中召還以侍郎兼學士禮遇甚厚倫重厚老成屢懇言當務睦親不聽至是年八十餘

上命致仕出京數日卒○大理寺言本寺原設

左右二寺其左寺評事四員審錄在京軍民衙門及直隸衛所府州縣刑名右寺評事八員審錄在外十二布政司都司衛所府州縣刑名後因二寺所設評事多寡不等所治事煩簡不均將二寺評事均分六員依刑部都察院十二司道各帶管直隸地方審錄今吏部仍照舊制銓注於事勞逸不均命會同曹國公李景隆兵部尚書茹瑋等議之景隆等奏以為均設評事繁簡適宜

上從之○夜有二星如鷄子大其一青白色有光出帝星傍東北行入紫微西番內其一赤

色尾跡有光出入穀東行入五車○丙戌改
謚故湘王曰獻妃吳氏曰獻妃遣官齎謚冊
及寶祭于荊州墳園王諱相

太祖高皇帝第十一子母順妃胡氏豫章侯胡
美之女王明敏好學博聞強識改文章尤好
道家言自稱紫盧子建文中有告其府中陰
事者王慎闔宮自焚王年二十有八妃江陰
侯吳高之女當時謚王曰戾至是

上憫其非幸詔改今謚而親製碑于墓云○陞
翰林院侍講王景為本院學士擢吾府審理
副楊士奇為編修○丁亥陞給事中黃昇為

吏科左給事中朱統為右給事中徐奇為戶
科左給事中李時為右給事中歐陽以恭為
札科左給事申全希顏為右給事中鄭遂為
兵科左給事中舒孟名為右給事中周璟為
刑科左給事中吳謙為右給事中段子勤為
工科左給事中王哲為右給事中○復設都
察院十二道以御史楊得安任江西道朱懋
廣東道王煜湖廣道劉從政浙江道李樂陝
西道俞士吉廣西道張壽四川道李貞劉履
節山西道羅貫徐新福建道李祥河南道王
振北平道康都山東道○禮部言建文中改

天地壇祠祭署為南郊祠祭署山川壇藉田祠
祭署為藉田祠祭署泗州祠祭署為泗濱祠
祭署宿州祠祭署為新豐祠祭署又設鍾山
祠祭署非旧制

上命泗州宿州山川壇藉田祠祭署仍復旧制
天地壇祠祭署定為郊壇祠祭署鍾山祠祭署
不可罷○夜有星如鷄盞大青白色有尾光燭
地出天市西垣外西南行入宿心○戊子祭
太社太稷分遣官祭旗纛之神漢秣陵尉蔣忠
烈之神及中山武寧王岐陽靖王○夜月
入氐宿有星如鷄子大赤色尾跡有光出宗

星南行入天市東垣○己丑賜周王櫛欽二
萬一千錠○楚王楨來朝○庚寅賜周王櫛
生日礼物冠一通天犀帶一綵帛三十足金
香爐合各一玉觀音金銅佛各一欽八千錠
馬四匹羊十羴酒百瓶○陞鴻臚寺鳴贊嚴
朝貴為本寺右丞寺改右寺丞樊敬為左寺
丞夜有星如盞大青白色先燭地出天苑
東北行至近濁○辛卯遣江陰侯吳高祭開
平忠武王神樂觀提點周原初祭北極真武
之神後軍都督陳旭祭漢壽亭侯之神礼部
員外郎宋礼祭都城隍之神○冊寧河武順

王鄧愈之女為齊王搏妃。○擢儒士曾日章為翰林侍讀。陞國子監助教鄒緝為侍講。改給事中金幼孜王洪及桐城縣知縣胡儼俱為檢討。○壬辰遣書召代王桂。○司禮監請如旧制鑄出入精微印。後之。○癸巳改封懿文皇太子第二子吳王允燿為廣澤王。居福建漳州府第三子衡王允燧為懷恩王。居江西建昌府第四子徐王允熲為敷惠王。隨母呂氏居懿文陵園。俱以是日行。○以滁州知州房吉首詣軍門朝見。泰州知州田慶協謀效順。江都縣知縣張本率全城歸附。皆陞。楊

州府知府吏部臣言。今揚州已有楊知府譚友德。

上命姑令同理府事。

大明太宗體天弘道高明廣運聖武神功純仁
至孝文皇帝實錄卷之十下

洪武三十五年秋七月甲午革建文中所設
河北都司湖廣行都司○吏部言建文中所
改旧制如在外文職官舊制考滿俱親赴京
給由建文中止令進繳牌冊各處開壩驛丞
逆運司獄等官旧俱三年一考建文以其非
錢穀衙門徒勞徃復止令申報事蹟九年通
考在外布政司府州縣官舊考滿填鴉紙牌
攢造功蹟功業須知文冊三本親賚給由建
文止令造進功業文冊一本紙牌一面按察

司官并監察御史舊考滿將任內歷問刑名
追過贓罰錄為事蹟建文以建明政事糾擊
奸貪薦舉循良宣揚教化為風憲政績各處
巡檢曰三年為滿以所獲盜賊軍因多寡為
黜陟建文改為九年仍驗其地方衝要僻靜
才力優劣為考覈教官曰九年為滿俱從合
干上司考覈要見所考詞語送部覆考又以
科舉多寡為黜陟建文革去考覈詞語止論
科舉多寡今悉宜復曰從之○乙未命都督
僉事趙清往鳳陽中都留守司整肅兵備撫
安人民○陞致仕指揮使許議為都指揮僉

事命都同指揮同知徐義守兗州○擢上海
縣民周小二為巡檢楊綵獎二表裡欵百錠
蠲其徭賦三年旌其操舟從

上渡江功也○以即位命禮部定耒朝文武官
負人等賞格禮部議奏文官二品三品每負
欵十二錠四品五品十錠六品七品八錠八
品九品六錠雜職四錠生員吏典耆民人等
每人二錠武官都指揮每員欵百五十錠絲
幣四表裏指揮並宣慰司同知副使宣撫每
員欵三十錠千戶衛鎮撫儀衛并宣慰僉事
宣撫同知副使安撫招討每員二十五錠百

戶所鎮撫典仗并宣撫僉事安撫同知副使
僉事副招討長官每員二十錠旗軍每人五
錠從之○賜常州府江陰縣致仕都指揮王
恕及致仕尚書鄭沂浙江左叅政辛彥博按
察司副使張勝等鈔如例○夜木星退犯東
咸南第二星有星如鷄子大青赤色有光出
壘壁陣東南行抵觸北落師門○丙申以即
位遣太常寺司樂朱彥真祭告
祖陵奉祀謝靖真祭告
皇陵祀丞徐鎬祭壽春等王贊禮即彭永年祭
皇外祖徐王祀丞葉良貴祭高王等王贊禮

郎林光贊祭滁陽王戶部主事魯謙祭秦愍
王張顥祭晉恭王工部主事呂謙祭魯荒王
員外郎唐鑑祭湘獻王潭王道士袁用誠等
祭告太昊伏羲氏至元世祖三十六陵劉真
等祭嶽鎮海瀆之神國子助教周巽祭先師
孔子○制諭前軍左都督李增枝往荊州整
肅兵備撫安軍民節制荊州襄陽瞿塘安陸
諸衛

上謂兵部臣曰朕初舉義旅清君側之惡罪止
姦臣數人而已故將士入城之日市不易肆
軍民按堵今為衆所推載嗣承大統罪人皆

已伏誅嘉與萬方同樂至治比聞在京軍民
猶有未喻朕心者謂有復行誅戮之意轉相
扇惑何其愚也吾為天下君則天下之民皆
吾赤子豈有害之之心且帝王刑法豈當濫
及無罪爾兵部亟出榜曉諭令各安心樂業
勿懷疑懼敢復有妄言惑衆許諸人首告犯
人處死家產給賞告人知而不告與犯人同
罪○夜月犯壘壁陣東第六星有星如彈丸
大青白色尾跡有光出宗正南北行發光如
鷄子大至游氣有二小星隨之○丁酉封秦
愍王第二女為長安主郡○賜谷王穗樂七

奏衛士三百金銀槍大劍金三百兩銀三千
兩綵幣三百足鈔三萬錠馬四足金籠鞍轡
二副歲增米三千石賞其開金川門迎駕之
功也○賜周王補鈔八萬錠齊王棹二萬錠
○命兵部鎮江衛指揮僉事千百戶總小旗
李祚等三百五十八人俱陞一級旌其歸附
功也○復設山東東平守禦千戶所○戊戌
擢大理寺辦事官虞文達為四川道監察御
史○以山東撫民主簿周觀政為江西按察
僉事前海鹽典史國用為山東按察僉事建
文中二人並為御史被黜至是曹國公李景

隆薦之遂有是命○吏部言凡內外官有過
紀錄任滿當黜降者今雖更赦猶宜舉以示
懲

上曰朕即初位與天下更新不宜復念舊惡其悉
除之○復瀋陽左右二衛初建文中改瀋陽
左衛為衡山護衛右衛為臨安護衛至是兵
部奏復旧制遂命凡天下軍衛建文所改革
者悉復其舊○昏刻有星如盞大青白色有
光出正西西北行約流丈餘○己亥楚王楨
辭歸賜以綵幣二十表裏鈔二萬五千錠其
從官賜鈔有差

上以盛暑賜書在京諸王曰吾與諸弟皆
先帝子往者各在一方有一歲得一見數歲得
一見者手足之情不能自己今吾承繼大統
諸弟早暮未聚豈不甚恹於心顧炎暑方盛
舉動煩勞可三日一朝用稱友于之意○命
兵部金吾等衛官軍任旺等七十八人先詣
軍門朝見者陞二級後詣見者陞一級○陞
翰林院侍詔解縉為本院侍讀修撰胡靖侍講
編修吳溥楊子榮修撰檢討鄭好義編修擢
太平縣儒學訓導蕭引高為檢討應天府儒
學訓導王汝玉蕪湖縣儒學訓導張伯穎為

五經博士特改子榮名榮○庚子晝太白見于五位夜有星如盞大青白色光燭地出天倉東南行至近濁金星入太微垣右掖門月犯天園西地一星○辛丑

上聞奉天征討將士以賞典未行有怨語者勅諭之曰朕舉兵靖難爾輩多立功勞朕未嘗忘其賞典未行蓋因所司功狀未上功狀明而後論賞公此豈一日所能就哉昔中山武寧王從我

太祖高皇帝開拓疆土混一之功十居其九二年之後賞典方行不聞當時有一語之怨今纔踰月而爾輩有後時之憤不亦過乎嚮戰鬪之際雖遇小捷咸即論報豈當大定之後乃遂忽忘爾哉已勅所司速上功狀爾等所具事蹟務盡詳實或有謬誤不實許自陳改正毋為詭妄以速愆尤庶幾公道明而人心服○

上視朝罷以建文多改舊制顧侍臣歎息曰只如群臣散官一事前代沿襲行之已久何關利害亦欲改易且陵土未乾何忍紛紛為此於是

天顏愴然变色既又曰凡開創之主其經歷多

謀慮深每作一事必籌度數日乃行亦欲子孫世守之故詩書所載後王之善必曰不愆不忘率由舊章於戒警後王必曰率乃祖攸行曰監于先王成憲此皆老臣之言後世輕佻諂諛之徒立心不端以其私智小見導嗣君改易

祖法嗣君不明以為能而寵任之徇小人邪之謀至於國弊民叛而喪其社稷者有之矣豈可不以為戒乃進吏部尚書張純戶部尚書王純諭曰卿二人久事

皇考習知典故今皆老矣其改見職務月給尚

書半俸居京師視時政有戾舊制者並向朕直言之勿隱庶稱屬望老成之意○壬寅勅禮部臣曰昔

太祖高皇帝封建諸王其儀制服用俱有定著樂工二十七戶原就各王境內撥賜便於供應今諸王未有樂戶者如例賜之有者仍舊不足者補之○癸卯命左都督袁宇往四川雲南整肅兵備撫安軍民俟邊境寧靖就鎮守雲南○賜書岷王榘曰今遣都督王宇赴雲南整肅兵備鎮撫一方凡事可與計議而行夫藩屏至重賢弟宜慎出入謹言節飲庶

諸夷有所瞻仰而不負兄之所望○命江陰
侯吳高往河南陝西二都司整肅兵備撫安
軍民俟軍民寧謐就鎮守陝西○勅前軍都
督府左都督李增枝曰朕命爾於荊州鎮守
城池提督軍務隨事區畫務在得宜歲終圖
所經地理險易及軍馬錢糧數目以聞○以
故都指揮使高昂之子真襲父舊職為錦衣衛
指揮使○甲辰
上諭群臣曰朕居藩邸時凡百姓艱苦靡不知
之而數年兵興北方之民疲勞尤甚朕所以
舉義者為

宗社生民之計今

宗社既安而北方之民未安吾夙夜不忘遂命
前工部尚書嚴震勅戶部致仕尚書王鈺應
天府尹薛正言等分往山西山東河南陝西
等布政司巡視民瘼何弊當革何利當建連
具奏來○復設牧馬千戶所○乙巳賜周楚
齊蜀代肅遼慶寧岷谷鞏潘安唐鄆伊秦晉
魯靖江二十一王各黃金百兩白金千兩綵
幣四十足錦十足紗羅各二十足鈔五千錠
○木邦土官知府罕的法遣頭目刁孟忿等
來朝貢馬及金銀器賜之鈔幣○丙午勅諭

都督陳珪等曰今內難既平天下疲於軍旅而北方凋弊尤甚朕長子居守國中天性淳厚可屬大事爾等宜悉心輔導事有利於軍民者即議行之務協至公無怠無忽庶不負朕委託之重○改吏部右侍郎蹇義為本部左侍郎陞郎中陳治為右侍郎改戶部右侍郎夏原吉為左侍郎兵部右侍郎古朴為戶部右侍郎陞署禮部事負外郎宋禮本部右侍郎兵部郎中方賓本部右侍郎改工部尚書鄭陽為刑部尚書以湖廣按察司黃信為都察院右副都御史陞河南按察事僉劉翥為

左僉都御史監察御史楊得安俞士吉俱為右僉都御史署太常寺典簿王勉為本寺左寺丞前徐府紀善端礼為右寺丞復前戶部尚書郁新及工部右侍郎黃福官宥湖廣按察僉事朱吉為中書舍人湖廣布政司參議李至剛為通政司右通政時吉至剛皆坐累繫獄

上察其非辜故用之陞教授高得賜為宗人府經歷用兵部尚書茹璫薦也○以吏部言在京諸司闕官召陝西布政司右參政戚存心四川左參政孫伯堅江西右參議戚遜浙江

右參議余彥誠陝西按察使師達副使王平
僉事朱逢吉浙江按察僉事袁復襄陽府知
府陳禎杭州府知府虞謙及出使按察僉事
馬京前兵部侍郎盧淵赴京○陞秦州衛指
揮僉事彭城為陝西都指揮同知洮州衛指
僉事蘇孛羅帖木兒蘭州衛指揮使王壁指
揮同知宋昇旗手衛指揮同知李龍南昌衛
指揮同知莘哈者肇慶衛指揮同知劉庸平
陽衛指揮同知俞賢大同前衛指揮僉事路
福金薩衛指揮使陳濬雲南左衛指揮同知
高山金吾右衛指揮使盧昂濟陽衛指揮使

張遂俱為都指揮僉事蘇孛羅帖木兒王壁
宋昇俱任陝西都司李龍莘哈者俱江西劉
庸廣東俞賢路福俱山西陳濬雲南高山河
南盧昂大寧張遂鎮守宿州羽林左衛千戶
倪斌為本衛指揮僉事○丁未

上諭禮部臣曰

太祖高皇帝親製大誥三編使人知趨吉避凶
之道頒行歲久慮民間因循廢弛爾宜申明
仍令天下誦讀遇鄉飲則講改如舊○戊申
命兵部諭中外諸司惟軍機重務以符驗給
驛餘並禁止○河南舞陽縣人王忠等作亂

殺縣官聚衆據險南陽衛指揮王真領兵攻之斬賊衆百二十餘人生禽賊首王忠賊驅虜良民七百餘口車七百餘輛聚於蓮花池真急往捕之獲從賊王添兒等皆斬之所驅虜良民皆散遣復業事聞

上嘉賚之○己酉

上諭兵部尚書茹璫等曰天下官軍建文時多有逃故其衛所官亦不追補宜遣給事中等官分往閱視逃亡者取丁壯補役近者限一年遠者年半過期不完者罪該管官旗仍令給事中凡其境內山川險易地理遠近悉繪

圖進來若錢糧軍器舟舡之類亦覈實以聞○陞戶科給事中梁成為本科都給事中擢監生莊亶何淮謝朝錫傅善俱為試給事中亶任兵科淮朝錫俱刑科善工科擢神策衛知事羅文貴陸忱龍江右衛知事紫履及監生唐友成陳夷鍾永用黃礼楊善安徐儉王敏張潛吳閻沈懋胡亨李敏俱為監察御史○設陝西漢中等府黃沙草涼棲梁山三岔白水嘉林峽口清橋武岡閬山河南十一驛○唐成賜書寧王權曰吾到京即遣人將書來迎不意為閹監胡伯顏邀之兗州虐害不

勝至擊去其藎焚所膏書竟不得達已將闔
豎寘之極刑尚慮盜賊未息路途循梗是以
來迎之使適日方發今聞已起程如行未遠
可暫還待秋涼與宮眷同來如已遠則途中
凡百謹慎早至相見以慰元懷○命禮部鑄
征南將軍征西將軍羗將軍印

大明太宗體天弘道高明廣運聖武神功純仁
至孝文皇帝實錄卷之十下

大明太宗體天弘道高明廣運聖武神功純仁
至孝文皇帝實錄卷之十一

洪武三十五年八月壬子朔遣使以即位詔
諭朝鮮○勅歷城侯盛庸比以山東未定命
卿鎮守淮安今山東布政司鐵鉉亦已就獲
諸郡悉平是皆

宗社之靈生民之福朕念山東軍民困于兵革
轉輸已久卿其息兵養民使各得其所糧餉
續有處分○命後軍都督府都督同知陳用
都督僉事曹遠掌山西行都司事○命左軍
都督府左都督劉貞鎮守遼東其都司屬衛

軍馬聽其節制。○賜錦衣衛侍衛將軍王翔等四百餘人鈔各五錠。○夜有星如盞大青白色光燭地出圭宿東南行至近濁。○癸丑上以天下耆民皆來朝諭禮部臣曰方今秋成之際有妨收穫速分遣人即所在止之。○命茹鑑為中奉大夫宗仁府儀賓以秦王第二女長安郡王配之鑑兵部尚書茹瑺子也。○甲寅

上謂禮部臣曰今諸王并世子郡王多未婚其下河南山東山西北平諸司訪求官員軍民及前朝故官禮法之家有女子及笄容貌端

厚德行修謹者官給舟車令父母親送至京以備選擇。○求民間識字婦女充內職

上謂禮部臣曰國家稽古置六尚之官以典內事舊制選民間識字婦女充之今六尚俱未有人爾禮部榜示中外凡軍民之家有識字婦人年三十至四十女子年十七以上不拘容貌但願赴選者官給驛舟令其父母親送京師量授以職其合得俸以給其親仍復其家婦人年至五十願還鄉里女子給事十年以上願還家及適人者俱從之

上以北平山東河南累年經兵民缺耕牛特命

工部於直隸鳳陽淮安等處以官牛給之。○
丁巳遣官釋奠先師孔子。○初

上以北平各衛糧乏命戶部悉停天下中鹽專於
北平開中其淮浙鹽每引米三斗河東二斗
四川一斗五升聽大小官員軍民人等皆中
不拘次支給至是戶部侍郎夏原吉具天下
中鹽處所以聞

上曰雲南金蔭衛楚雄府四川鹽井衛陝西甘
州衛勿停餘悉停之。○戊午祭

太社太稷。○陞中書舍人黃淮為翰林院編修
○遣僧智光齋詔諭館覺盧藏烏思藏必力

工瓦思達藏朵思尼八刺等處并以白金綵
幣頒賜灌頂國師等凡白金二千二百兩綵
幣百一十表裏。○寧王權遣人奏請封國欲
得杭州賜書報之曰杭州昔

皇考嘗以封第五子為吳王後考古制天子畿
內不以封諸侯遂改河南建文不遵

祖訓封其弟允通為吳王衆論非之往者嘗許
弟自擇封國吾未嘗忘今博習於衆咸謂建
寧荊州重慶東昌皆善地弟可於四郡內擇
一郡遣人報來庶好經營王府。○夜有星如
鷄子大青白色有光出尾宿西南行至雲中

○已未封周王橘第二子有勳為汝南王第三子有烜為順陽王第四子有熿為祥符王第五子有燾為新安王第六子有炆為永寧王第七子有煊為汝陽王第八子有曠為鎮平王第九子有焮為宜陽王齊王禘第二子賢疑為樂安王第三子賢竣為長山王第四子賢寔為平原王○冊潁州衛指揮丁剛女為汝南王有勳妃○遣勅符召秦王尚炳○陞太常寺左寺丞王勉為本寺右少卿改右寺丞端礼為左寺丞以袁廷玉為右寺丞廷玉嘗以風鑿受知潛邸及是召至而官之○

賜四川行都司都指揮同知程達鈔二百錠○命右軍都督府左都督何福佩征虜前將軍印克總兵官往鎮陝西寧夏等處都司陝西都司行都司山西都司行都司河南都司官軍○命右軍都督同知韓官往江西等處操練軍馬整點城池廣東都司福建行都司湖廣都司軍馬聽其節制○定罪人輸作之例笞罪五等每等役五日杖罪五等每等十日徒罪准所徒年月加以應杖之數輸役流罪三等俱役四年一百日並役滿日釋之雜犯死罪輸役終身○庚申製唐王桎郢王棟

伊王欒儀伏○復北平右布政使曹昱官昱
洪武中任布政使建文初黜為民至是復召
用子擢監生丁琰姚山林從李晟俱為給事
中○復朱輝廣西都指揮僉事建文中輝坐
累免至是復之○辛酉陞指揮僉張忠為金
吾前衛指揮同知○壬戌代王桂及其世子
遜端來朝○以岷王榘與西平侯沐晟交惡
賜書諭榘曰嘗聞

皇考之訓朕年二十四五尚未有子時沐英甫
八歲因兵受厄父母不得復會朕撫育之恩
同其父後乃命復本姓因其軍功封為西平

侯俾控御諸夷十餘年間朕無西南之憂者
以英在也言猶在耳後英歿特追封為黔寧
王蓋不次之恩也既以子春嗣侯爵春卒弟
晟繼之歷覲群臣受

皇考思未有如沐氏者矣今晟所為鹵莽間信
小人干犯吾弟固不可容但念乃父佐命開
疆之力不忍罪之特召至京已懲戒之其下
小人亦不輕宥兄又思雲南重地昔倚任其
父而蠻夷率服故仍遣晟往欲其安邊撫夷
必如乃父存日庶幾不負

皇考之恩若其不能改過負德隳功他日以國法

正之未晚吾弟亦宜念黔寧之親及其安邊之功最雖有罪置之度外可也。禮部言大統曆例在先歲九月朔欽天監進呈比因皇上即位之初造曆未備請以十一月朔進上從之命著為令。改浙江按察僉事袁復為大理寺左寺丞以江西右參議戚遜為右寺丞時遜以罪當降而兵部尚書茹璠言其才可用故有是命。陞四川行都司都指揮同知程達為前軍都督僉事仍命掌四川行都司事鎮守城池整肅兵備建昌等衛指揮使汪讓為湖廣都指揮使唐琮為江西都指揮

使徐諒為四川都指揮使徐鑑為四川行都司都指揮使火旺為河南都指揮使調河南都指揮使葛進掌寧夏衛事。癸亥晉王濟熿來朝賜書諭曰吾與爾父皆

皇考妣所生自少友愛深厚爾為

皇考妣長孫鍾愛尤篤今爾父雖逝吾豈不知

體

皇考妣之心為心乎正圖與爾共享富貴且西北重鎮資爾控馭爾居國羊父令譽已著撫安藩屏方有望焉時曹國公李景隆數言其過

上雖不信而濟熿聞之內懷憂畏故慰安之景
隆昭德王濟潢妃父云○襲封愆聖公孔鑑
卒訃聞輟朝一日遣行人亢誠賜祭鑑先聖
五十八代孫也○復設建陽衛杭州前衛○
甲子命西平侯沐晟鎮守雲南雲南都司屬衛
聽其節制勅晟曰昔我
皇考太祖高皇帝當擾攘之時年二十餘尚未
有子爾父英纔八百歲父母俱歿于兵革榮
來依

皇考皇妣憐之撫育為子既有朕兄弟

皇考以沐氏不可無後命復本姓承其宗祀屢

從征伐積有功劳封西平侯雲南既定出鎮
十有餘年朝廷無西南之憂所以累增產業
翼延子孫永保富貴爾父卒追封黔寧王以
爾兄春嗣侯爵春卒無子命爾嗣之歷觀羣
臣受恩深厚未有過爾父子者也間者爾為
小人所惑干犯岷王朕念
皇考皇妣教育爾父之恩及爾父佐命開疆之
功不忍寘爾于法姑宥不問仍令鎮守雲南
爾當深思

皇考皇妣再造之大德迪爾父之行以圖厥終
爾其念哉○實授兵科試給事中襲鑾為本

科給事中○陞金吾左衛千戶梁得為本衛
指揮同知○

上初以北平軍餉不繼欲出獄囚輸米贖罪以
給之且有餽運之勞命法司議至是法司議
奏除十惡人命強盜及笞罪不贖外其雜犯
死罪輸米六十石流罪三等俱四十石徒罪
一年十石一年半十三石二年十六石二年
半二十石三年二十五石杖罪五等六十者
四石七十以上每等加五斗輸畢釋之從之
○時江西廬陵縣民有嘯聚劫掠者江西三
司奏請發兵討之

上曰此無能為患而官軍一出必傷及良善但
遣一使持勅諭之可也遂遣行人許子謨齎
勅諭曰昔我

太祖高皇帝開基創業首得江西資其供給以
定天下三十餘年屢加恩澤民皆樂生近建
文信任匪人改更成法致兵禍連歲軍需百
費皆出於民科歛誅求日甚一日有司又不
能撫恤蠶楚橫加嗟怨盈路民不聊生無所
控訴致有潛避山林保全性命皆出於不得
已也念其所自亦可矜憫朕即位之後一切
罪犯悉赦不問今為天下主謹守成法嘉與

百姓共樂治平獨爾等未復本業因而劫掠
群臣奏請調軍勦補朕恐兵戈所加誤及善
良有所不忍故特遣行人膏勅諭爾宥爾之
罪其即各復原業永為太平之民如執迷不
悛發兵討罪後悔無及仍勅都督韓覲往招
撫之○夜金星入角宿有星如鷄子大青白
色有光出牛宿西北行入天市東垣內一小
星隨之○丙寅昭德王洛熿來朝○陞寧國
衛指揮同知蔡本為浙江都指揮使羽林前
衛千戶高政為本衛指揮僉事錦衣衛散騎
舍人翁岩為旗手衛指揮僉事○增設湖廣

藍山縣大橋巡檢司左右副巡檢各一員廣
東陽山縣西岸星子二巡檢司瓊州府苗山
蓮塘二巡檢司廣西柳州府忻城縣長安巡
檢司副巡檢各一員○初

上以征討將士久效勤勞命禮部以

太祖高皇帝陞賞條例參酌行之至是奏定賞
格奇功領隊將校陞二級指揮賞銀五十兩
綵幣八表裏鈔六百貫千戶衛鎮撫儀衛正
副銀三十五兩綵幣六表裏鈔五百貫百戶
所鎮撫典仗銀二十五兩綵幣四表裏鈔四
百貫總旗銀十八兩絹三疋綿布四疋綿花

五斤鈔三百貫小旗銀十五兩絹三足綿布
四足綿花五斤鈔三百貫隨伍指揮千百戶
旗軍銀十三兩絹三足綿布四足綿花五斤
鈔二百五十貫頭功領隊將校陞一級指揮
賞銀二十兩綵幣六表裏鈔四百貫千戶衛
鎮撫儀衛正副銀十五兩綵幣四表裏鈔三
百貫百戶所鎮撫典仗銀十三兩綵幣三表
裏鈔二百五十貫總旗銀十二兩絹三足綿
布四足綿花五斤鈔二百五十貫小旗銀十
兩絹三足綿布四足綿花五斤鈔二百貫隨
伍指揮千百戶旗軍銀八兩絹二足綿布四

足綿花五斤鈔一百五十貫次功領隊指揮賞
銀十五兩綵幣四表裏鈔三百貫千戶衛鎮
撫儀衛正副銀十三兩綵幣三表裏鈔二百
五十貫百戶所鎮撫典仗銀十二兩綵幣二
表裏鈔二百五十貫總旗銀八兩絹三足綿
布四足綿花五斤鈔二百貫小旗銀五兩絹
二足綿布四足綿花五斤鈔百五十貫隨伍
指揮千百戶旗軍銀四兩絹二足綿布四足
綿花五斤鈔百貫

上於宮中得建文時群臣所上封事千餘通披
覽一二有干犯者命翰林院侍讀解縉等徧

閱閔係軍馬錢糧數目則畱餘有干犯者悉
焚之既有從容問縉等曰爾等宜皆有之衆
稽首未對脩撰李貫進曰臣實無之

上曰爾以獨無為賢耶食其祿則思任其事當
國家危急之際在近侍獨無一言可乎朕非
惡夫盡心於建文者但惡導誘建文壞

祖法亂政經耳爾等前日事彼則忠於彼今日事

朕當忠於朕不必曲自遮蔽也○丁卯賜都

指揮使蔡本鈔百錠并賜其下有差蓋禽殺

武進等縣強賊馬阿保等本等預有勞云○

戊辰夜月犯天囷有星如鷄子大赤色尾跡

有光出五車南行入參宿左肩火星犯太微

西垣上将星○己巳

上謂兵部左侍郎劉儁等曰乃者隨朕靖難及

守城官軍逃叛藏匿已獲者悉伏法矣未獲

者令隨處自首赴京立功贖罪其榜示之○

調都指揮僉事凌虞為遼東都司都指揮僉

事起福建行都司致仕都指揮同知郭青為

福建都指揮同知○遼東都司言緣邊胡寇

竊發不時騎士乏馬操備遼東行大僕寺舊

所易朝鮮馬二千六百餘足請以給軍士從

之○庚午勅寧夏總兵官左都督何福曰欽

天監言火星犯上將爾為將禦邊宜慎之母
忽○命右軍都督陳暉旗手衛指揮李忠往
江西叅費都督韓觀軍事○改河南按察司
僉事張成之為湖廣按察司僉事○賜鎮守
陝西都督王英鈔二百錠○夜月犯畢宿南
第二星○辛未封周王構第二女為蘭陽郡
主擢徐茂先為中奉大夫宗人府儀賓以郡
主配之茂先中山武寧王達之孫勲衛添福
之子也○壬申命昭德王濟曠居平陽○代
王桂及其世子遜端辭歸賜鈔七千錠其從
官賜鈔有差○命禮部鑄靖江王金寶制如

郡王之印禮部言舊制郡王冊用銀鍍金其
上印亦用銀

上以

太祖高皇帝嘗與靖江王金冊故授王亦以金
寶○癸酉夜有星如鷄子大青白色有光出
東南震中東南行至近濁○甲戌祭太歲風
塵雷雨嶽鎮海瀆山川等神○遣官祭旗纛
○皇第二子高煦還北平賜鈔萬錠其從官
指揮王麟等人賜鈔五錠○夜大星入太微
垣右掖門○乙亥賜齊王搏鈔一萬錠○賜
都指揮僉事李凱於山東都司○夜有星如

盡大赤色有光出西北雲中東北行至近濁
○丙子命指揮施文守泗州整肅兵備撫安
人民陞前燕府長史金忠為工部右侍郎戶
部郎中陳宗問為河南布政司右叅政兵部員
外郎崔仕元為右叅議戶部郎中鄧肅為江
西布政司右叅政吏部郎中劉思忠為浙江
布政司右叅政刑部郎中郝鵬為湖廣布政
司左叅政刑部主事周淵銘為四川布政司
左叅議各賜鈔三十錠○初用曹國公李景
隆兵部尚書茹璠言命吏部定靖江王府官
制至是吏部言

祖訓內親王府例設文職官三十一員教授無
定負郡王府未有定制今擬靖江王府長史
依親王府例設制其餘官屬止設紀善伴讀
審理典寶奉祠典樂典儀典膳良醫工正倉
大使各一員引禮舍人二員又

祖訓內凡郡王子授鎮國將軍孫授輔國將軍靖
江王子比正支郡王宜遞減一等授輔國將
軍其官屬止設伴讀

上命輔國將軍各設教授一員餘如所擬於是
改靖江王府諮議所為長史司○工部右侍
郎黃福言舊制應天太平鎮江寧國廣德五

府州例免稅糧但每歲農隙召其丁夫役京師一月今當如例徵赴京

上曰五府州興王之地

先帝時特加優恤近年兵興煩於供給今方遂寧息未宜勞之可蠲今年之役○丁丑以即位遣使賫詔諭和林瓦剌等處諸部酋長○戶部奏今直隸淮安及北平永平河間諸郡避兵流移復業者凡七萬一千三百餘戶詔所司善加撫綏○戊寅陞水軍右衛指揮僉事宣信為前軍都督僉事福建行都司都指揮僉事郭忠為本司都指揮同知羽林前衛

千戶刑忠為本衛指揮同知金吾左衛千戶劉貴為金吾前衛指揮僉事○己卯以廣西柳州等處蠻民嘯聚劫掠遣禮部員外郎李宗輔等賫勅往赦其罪諭令復業如執逆不俊調勦除○夜有三星如鷄子大其一青白色有光出外屏西南行入壘壁陣其一赤色有光出外屏東南行至近濁其一赤色尾跡有光出紫微西蕃外北行至近濁

大明太宗體天弘道高明廣運聖武神功純仁
至孝文皇帝實錄卷之十一下

大明太宗體天弘道高明廣運聖武神功純仁
至孝文皇帝實錄卷之十二上

洪武三十五年九月辛巳朔肅王榘來朝○
命戶部郎中李昶撫安北平郡縣○夜有星
如鷄子大青白色有光出土司空旁西南行
至雲中火星犯右執法○壬午蜀王椿來朝○
秦王尚炳至○癸未晉王濟熹辭歸賜鈔五
千錠其從官賜鈔有差○賜中軍將校指揮
岳東驢車輿等九百六十有一人鈔各六十錠
綵幣表裏各三千百戶朱旺李平等萬五千
四百十有九人鈔亦各六十錠綵幣表裏各

二〇駙馬都尉王寧奏舊有賜田及自置田
建文中盡沒官乞復之

上從之仍命戶部以其所入租准祿米〇湖廣
布政司左叅政郭燧右叅政王麟按察司副
使聞良輔僉事陳晟蔣賓興鄔修張敏俱以
罪降為行人〇夜金星入氐宿〇甲申封秦
愍王第四子尚炳為興平王第五子尚烜為
永壽王第六子尚蚡為安定王改封晉恭王
第三子昭德王濟熿為平陽王封恭王第七
子濟煬為廣昌王〇陞賞奉天靖難諸將封
都督僉事丘福為奉天靖難推誠宣力武臣

特進榮祿大夫右柱國中軍都督府左都督
淇國公食祿二千五百石子孫世世承襲賞
銀四百兩綵幣四十表裏鈔四千貫都督僉
事朱能為奉天靖難推誠宣力武臣特進榮
祿大夫右柱國左軍都督府左都督成國公
食祿二千二百石子孫世世承襲賞銀四百
兩綵幣四十表裏鈔四千貫都督僉事張武
為奉天靖難推誠宣力武臣特進榮祿大夫
柱國中軍都督府都督同知威陽侯食祿千
五百石子孫世世承襲賞銀三百五十兩綵
幣三十表裏鈔三千貫都督僉事陳圭為奉

天靖難推誠宣力武臣特進榮祿大夫柱國
後軍都督府都督同知泰寧侯食祿千二百
石子孫世世承襲賞銀三百五十兩綵幣三
十表裏鈔三千貫都督僉事鄭亨為奉天靖
難推誠宣力武臣特進榮祿大夫柱國中軍
都督府左都督武安侯食祿千五百石子孫
世世承襲賞銀三百五十兩綵幣三十表裏
鈔三千貫都督僉事孟善為奉天靖難推誠
宣力武臣特進榮祿大夫柱國右軍都督府
都督同知保定侯食祿千二百石子孫世世
承襲賞銀三百五十兩綵幣三十表裏鈔三

千貫都督僉事火真為奉天靖難推誠宣力
武臣特進榮祿大夫柱國中軍都督府都督
僉事同安侯食祿千五百石子孫世世承襲
賞銀三百五十兩綵幣三十表裏鈔三千貫
右都督顧成為奉天翊運推誠宣力武臣特
進榮祿大夫柱國後軍都督府右都督鎮遠
侯食祿千五百石子孫世世承襲賞銀三百
五十兩綵幣三十表裏鈔三千貫都督僉事
王忠為奉天靖難推誠宣力武臣特進榮祿
大夫柱國右軍都督府都督同知靖安侯食
祿一千石子孫世世承襲賞銀三百五十兩

綵幣三十表裏鈔三千貫都指揮使王聰為
奉天靖難推誠宣力武臣特進榮祿大夫柱國
中軍都督府都督僉事武城侯食祿千五百
石子孫世世承襲賞銀三百五十兩綵幣三
十表裏鈔三千貫都督僉事徐忠為奉天靖
難推誠宣力武臣特進榮祿大夫柱國前軍
都督府左都督永康侯食祿千一百石子孫
世世承襲賞銀三百五十兩綵幣三十表裏
鈔三千貫都督僉事張信為奉天靖難推誠
宣力武臣特進榮祿大夫柱國隆平侯食祿
一千石子孫世襲隆平伯賞銀三百五十兩

綵幣三十表裏鈔三千貫都督僉事李遠
為奉天靖難推誠宣力武臣特進榮祿大夫
柱國中軍都督府都督同知安平侯食祿一
千石子孫世襲安平伯賞銀三百五十兩綵
幣三十表裏鈔三千貫都督僉事郭亮為奉
天靖難推誠宣力武臣特進榮祿大夫柱國
右軍都督府都督同知成安侯食祿千二百
石子孫世襲成安伯賞銀三百五十兩綵幣
三十表裏鈔三千貫都督僉事房寬為忠思
侯食祿八百石子孫世襲指揮使賞銀三百
兩綵幣二十表裏鈔二千五百貫都指揮使

徐祥為奉天翊衛宣力武臣特進榮祿大夫
柱國興安伯食祿千石子孫世世承襲賞銀
三百兩綵幣二十表裏鈔二千五百貫都督
僉事徐理為奉天翊衛宣力武臣特進榮祿
大夫柱國武康伯食祿一千石子孫世世承
襲賞銀三百兩綵幣二十表裏鈔二千五百
貫都指揮同知李濬為奉天翊衛宣力武臣
特進榮祿大夫柱國褒成伯食祿一千石子
孫世世承襲賞銀三百五十兩綵幣二十表
裏鈔二千五百貫都指揮同知張輔為奉天
翊衛宣力武臣特進榮祿大夫柱國信安伯

食祿一千石子孫世世承襲賞銀二百五十
兩綵幣三十表裏鈔三千貫都督僉事唐震
為奉天翊衛宣力武臣特進榮祿大夫柱國
新昌伯食祿一千石子孫世世承襲指揮使賞銀
三百兩綵幣二十表裏鈔二千五百貫故都
指揮同知譚淵男譚忠為特進榮祿大夫柱
國新寧伯食祿一千石子孫世世承襲賞銀
三百五十兩綵幣三十表裏鈔三千貫都指
揮僉事孫巖為奉天翊衛宣力武臣特進榮
祿大夫柱國應城伯食祿一千石子孫世世
承襲賞銀三百五十兩綵幣三十表裏鈔三

千貫都指揮僉事房勝為奉天翊衛宣力武
臣特進榮祿大夫柱國富昌侯食祿一千石
子孫世襲指揮使賞銀三百五十兩綵幣三
十表裏鈔三千貫都指揮使趙彛為奉天翊
衛宣力武臣特進榮祿大夫柱國忻城伯食
祿一千石子孫世世承襲賞銀三百兩綵幣
二十表裏鈔二千五百貫都督僉事陳旭為
奉天翊衛宣力武臣特進榮祿大夫柱國雲
陽侯食祿一千石子孫世世承襲賞銀三百
兩綵幣二十表裏鈔二千五百貫都督僉事
劉才為奉天翊衛宣力武臣特進榮祿大夫

柱國廣恩伯食祿九百石子孫世襲指揮同
知賞銀二百五十兩綵幣十六表裏鈔二千
貫以曹國公李景隆尚書茹瑺都督同知王
佐都督僉事陳瑄有默相事機之功加封景
隆為奉天輔運推誠宣力武臣特進光祿大
夫左柱國太子太師曹國公增祿一千石通
前四千石子孫世世承襲賞銀四百兩綵幣
四十表裏鈔四千貫瑺為奉天翊運守正文
臣特進榮祿大夫柱國太子少保兼兵部尚
書忠誠伯食祿一千石以終本身賞銀三百
兩綵幣二十表裏鈔二千五百貫佐為奉天

翊運宣力武臣特進榮祿大夫柱國中軍都督府都督同知順昌侯食祿一千石子孫世襲指揮使賞銀三百兩綵幣二十表裏鈔二千五百貫瑄為奉天翊運宣力武臣特進榮祿大夫柱國右軍都督府都督僉事平江伯食祿一千石子孫世襲指揮使賞銀三百兩綵幣二十表裏鈔二千五百貫以谷王獲衛指揮僉事張興儀衛正張成等受王成等佐成奇功陞興為驃騎將軍都督僉事賞銀二百五十兩綵幣十六表裏鈔二千貫成為驃騎將軍都指揮使賞銀二百兩綵幣十二表

裏鈔千五百貫其餘將士人等論功高下一體陞賞又以駙馬都尉王寧不附權勢以罹誣陷幾致墮身宜用褒顯封奉天輔運推誠效義武臣特進光祿大夫柱國駙馬都尉永春侯食祿一千石子孫世世承襲賞銀三百五十兩綵幣三十表裏鈔三千貫各賜官服給誥券陞賞畢

上諭之曰人君秉至公當爵賞無容私意今以天下之財賞天下之功雖賜賚有限而爵祿無窮然繼今能益懋公勤朕不吝於報賚爾等勉之又曰爾等前勞朕或知有未盡論報

之際輕重失宜其即面陳必使歸於至當若不自陳而退有後言或至怨懟甚不可也又曰今天下已定君臣相與共保富貴朕不可居安忘危爾等亦不可恃功驕惰但常念前勞圖保名節斯福澤延於子孫功名播於永遠矣也追封故都督同知張玉奉天靖難推誠宣力武臣特進榮祿大夫右柱國崇國公謚忠顯玉字世美河南開封祥符人仕元為樞密院知院洪武乙丑歸附戊辰從征捕魚見海哈刺哈之地以功授濟南衛副千戶又從追勦韃軍粉紅帖木兒抵延安延川陞安

慶衛指揮僉事同官以嚴見憚庚午從征未順散茅等洞辛未從征迤北抵鴉寒山歸調燕山右護衛癸酉復從征迤北至黑松林戊寅七月

上舉兵靖難王所進計議悉合

上意遂領兵攻棄九門撫順討逆三日始定王言令都指揮馬宣守薊州宜早圖之不然將為後患且薊為東鄙之望薊平餘可傳檄而定

上從之即命王與朱能等率兵以往既至都指揮馬宣鎮撫魯濬等閉城堅守反復喻之不

下王擁衆急攻宣率兵出拒王遣精銳衝入其陣執而殺之并殺濬復執毛指揮王知其可用釋之不殺送詣北平而撫輯其軍民乃引兵徇遵化遵化守將以城降復往永平審虞至則軍民望風輸款已卯陞都指揮同知掌中營兵王進言曰雄鄭在邇今守者潘楊二都督挾恃詐力不下請攻之

上是其計遂生禽二人時長興侯耿炳文率兵二十萬至真定王請往覘之遙見其軍士散漫無統紀且有敗氣馳報曰彼無能為力贊上往攻俘斬無數餘皆奔潰繼安陸侯吳傑引

兵來戰王率衆大敗之追奔四十餘里斬獲甚衆永平被圍引兵從

上救之敵見軍容整肅遽解去從攻大寧破之既歸中道間李景隆率衆次壩上而以精銳圍北平城王請先攻其營然後歸援

上從之徑擣其營大戰景隆兵不能支遂退即率衆至城下城中亦出兵內外夾攻斬戮殆盡遂移軍收廣昌下蔚州進取大同斬其守將而還聞景隆收潰卒益以新軍號百萬連營而來王言兵貴神速先事者勝駐白溝河以逸待勞必能決勝

上然其言率衆至白溝河越三日景隆兵至王
率精騎馳擊之斬馘無算景隆收餘衆退王
乘勝追擊所向披靡歸數月後
上攻滄州破之生禽其大將徐凱進攻東昌王
勇往赴敵遂戰歿年五十有八
上聞勦悼之至是論諸將功賞而思命首被云
追封故後軍都督僉事陳亨奉天靖難推誠
宣力武臣特進榮祿大夫柱國經國公謚褒
敏故都督指揮使譚淵奉天靖難推誠宣力
武臣特進榮祿大夫柱國崇安侯謚壯節亨
鳳陽壽州人勇敢善騎射從

太祖高皇帝渡江討張士誠平陳友諒從大將
軍定中原累積軍功自天策衛百戶累陞燕
山左衛世襲指揮同知又從穎國公征北二
十五年命署北平行都司事陞後軍都督僉
事仍掌北平行都司從

上平內難鏖戰壩上乘勝而南至白溝與敵戰
奮擊衝陣斬獲魚箠以疾卒淵滁州清流人
有膂力引兩石弓發無不中洪武中以軍功
任燕山右護衛副千戶從

上靖內難戮力盡心戰真定及壩上馳騎突陣
多所斬獲至夾河與敵博戰所乘馬蹶遂死

之至是亦先追封焉。○陞吏部左侍郎蹇義
本部尚書改右侍郎陳洽左侍郎陞戶部左
侍郎夏原吉本部尚書改右侍郎古朴左侍
郎陞兵部左侍郎劉儁本部尚書改右侍郎
方賓左侍郎禮部右侍郎宋禮本部左侍郎
工部右侍郎黃福本部左侍郎陞大理寺左
少卿薛嵩本寺卿左寺丞袁復右少卿行人
李文郁為通政司右叅議。○陝西按察司僉
事林加猷坐方孝孺之黨誅。○丁亥遣使以
即位詔諭安南暹羅爪哇琉球日本西洋蘇
門答刺占諸城國。

上諭禮部臣曰

太祖高皇帝時諸番國遣使來朝一皆遇之以
誠其以上物來市場者悉聽其便或有不知
避忌而誤干憲條皆寬宥之以懷遠人今四
海一家正當廣示無外諸國有輸誠來貢者
聽爾其諭之使明知朕意。○戊子陞都指揮
使劉江為中軍都督府僉事朱榮為左軍都
督府僉事馬榮紀清俱為右軍都督府僉事都
指揮同知朱榮為後軍都督同知何濬薛脫歡
許成俱為左軍都督僉事高成為右軍都督僉
事譚深為前軍都督僉事吳庸為山東都指

揮使薛脫火赤為遼東都指揮使陳勝為陝
西都指揮使買驢為廣西都指揮使王真為
四川都指揮使沈遇為江西都指揮使沈濱
為福建都指揮使馬聚為北平都指揮使童
信為北平行都司都指揮使都指揮使陳
懋為中軍右都督曹得山青俱為中軍都督
僉事張欽為右軍都督僉事甯士文劉保華
聚俱為前軍都督僉事譚青王端俱為後軍
都督僉事馬瑛為浙江都指揮使金玉為河
南都指揮使朱英為四川行都司都指揮使
陳旺為貴州都指揮使曹隆為雲南都指揮使

王哈刺把都為湖廣都指揮使徐泰為福建
都指揮使徐善為陝西行都司都指揮使馬
旺為山西都指揮使歐陽青為山西行都司
都指揮使杜真施文林祥俱為浙江都指揮
同知劉聚印原童蔡福毛八舟俱為山東都
指揮同知麻子帖木呂毅馬羽齊安呂得俱
為遼東都指揮同知呂得昇蕭授勝安陳賢
高冕俱為河南都指揮同知吳王蔣忠趙忠
俱為陝西都指揮同知蔡斌程寬錢安俱為
陝西行都司都指揮同知王友柳升吳升丑
丑俱為都指揮同知掌中都留守司事劉秉

謙孫翥吳福俱為四川都指揮同知于全王
玉王青冀英俱為四川行都司都指揮同知
李任陳全吳浩俱為貴州都指揮同知王綽
方敬王正劉鑑俱為雲南都指揮同知錢義
胡原王成俱為廣西都指揮同知金銘胡俊
周長俱為湖廣都指揮同知郭斌張麟李文
俱為江西都指揮同知陳翼王併艾忠俱為
福建都指揮同知魯麟鄭銘靳榮俱為福建
行都司都指揮同知王忠申英邠那海夏曲
倫台俱為北平都指揮同知董礪駱七十八
史勇^俱為北平行都司都指揮同知姜清張璪

俱為遼東都指揮同知曹英張禮張成俱為
山西都指揮同知江浩馮三保侯忠俱為山
西行都司都指揮同知

上顧群臣諭曰諸將從朕舉義多歷艱危今內
難肅清論功行賞富貴方至此始夫國家於
功臣固當保全而帝王用人豈可獨遺勲舊
漢賈復吳漢才堪輔相光武徒欲保全之而
弗用朕所不取夫君臣不能保全者常始於
不相信苟不相信雖父子將為秦越况君臣
手吾報之厚而待之誠常見其善不見其不
善惟其才而任之保功用人可以兩得群臣

頓首稱善○命五軍都督府移文各都司令
衛所屯田如舊制衛指揮一人所千戶一人
專提調都指揮督察之歲終上其所入之數
以課勤怠○都督同知韓覲奏江西廬陵縣
民逃聚山林者聞命悉復業賜勅獎諭觀曰
人君代天子民惟體上天好生之心安養斯
民使各得其所而已數年以來民苦於兵加
之賊歛煩苛窮迫無告聞者江西廬陵縣民
有不得已畏死逃聚山林者有司不原其本
心輒請發兵勦補朕心有所不忍故遣行人
齋勅諭令復業猶慮民之不明知朕心也又

遣卿以大臣諭之民間卿以朕命至皆懼然
耒歸不勞寸兵而危者以安憂者以喜以是
觀之民豈樂於於為非者哉卿斯行於國於
民咸有所利朕甚加之今特遣人以羊酒綵
幣勞卿至可領也○谷王穗請營宮殿於長
沙府

上以天下初定慮勞民費財令擇衛府廨舍脩
理居之○使臣有還自東南夷者言諸番夷多
遁居海島中國軍民無賴者潛與相給為寇
上遣使齋勅諭之勅曰好善惡不善人之同情
有不得已而為不善者亦非本心往者爾等

或避罪謹或苦飢困流落諸番與之雜處遂
同為劫掠苟圖全活巡海官軍既不能矜情
招撫更加侵害爾等雖有悔悟之心無由自
遂朕甚憫焉今特遣人齎勅往諭凡番國之
人即各還本土欲來朝者當加賜賚遣還中
國之人逃匿在彼者咸赦前過俾復本業永
為良民若仍恃險遠執送不悛則命將發兵
悉行勦戮悔將無及○戶部言天下倉糧宜
樽節以備國用各處都司官俸舊全支米者
宜米鈔中半兼支河南浙江江西山東山西
五布政司按察司及王府官舊全支米者亦
如之湖廣福建廣東廣西陝西北平四川雲
南八布政司按察司官俸米鈔兼支及各府
州縣諸司官俸全支鈔者仍令如故從之

大明太宗體天弘道高明廣運聖武神功純仁
至孝文皇帝實錄卷之十二上

大明太宗體天弘道高明廣運聖武神功純仁
至孝文皇帝實錄卷之十二下

洪武三十五年九月己丑慶王榘來朝○勅

遼王植曰

皇考太祖高皇帝封建諸王藩屏

宗社傳序萬年與國同久建文中信任奸回以
殘骨肉朕於其時迫於危禍不得已而起兵

賴

天地

祖宗之靈克平內難建文之隕自絕于天朕為
諸王臣民推戴以君主天下方欲與諸弟聚

處同天倫之樂而賢弟以遼地荒遠經涉海
洋餽運為難固請改國荊州且以廣寧重鎮
就留三護衛於彼以益邊防欲於荊州別給
一衛備使令言之再三卻而復至謙約之誠
溢於言表出衆就寡厭遠懷通手足之情何
忍違抑今勉從所請建國荊州而仍舊封號
軍衛已令兵部改撥用稱吾弟之意特報知
之○改太平府試推官表剛蘇州府推官徐
道正前鎮平軍民指揮司試經歷馮本清前
開封軍民指揮司試經歷陳常俱為監察御
史陞典牧署正陳善為尚寶司丞前北平按

察司經歷沈鎰為本司僉事鎰建文中坐累
被謫至是召還而陞用之○庚寅皇弟三
子高燧來朝○秦王尚炳辭歸賜鈔三萬錠
其從官賜鈔有差○周世子有燾自唐南來
朝賜鈔二萬錠○召廣澤王允通懷恩王允
燧○辛卯賜在京官員鈔幣軍民先是
上以新即位在京文武群臣軍民人等宜有賜
賚命禮部議之禮部議奏武職自侯至都督
各鈔二百錠綵幣五表裏指揮鈔八十錠二
表裏千戶衛鎮撫各鈔五十錠一表裏百戶
所鎮撫各鈔三十錠一表裏旗軍校尉將軍

力士屯軍恩軍養羊習匠幼軍人鈔五錠致仕優給並同見任文職二品鈔百錠綵幣三表裏三品四品鈔八十錠二表裏五品鈔五十錠六品七品鈔三十錠八品九品鈔二十五錠俱一表裏雜職鈔二十錠監生吏典知印辦事人材天文生醫者府學生員人鈔四錠坊廂民匠僧道醫人樂工厨子膳夫皂隸人鈔三錠後之○謫工部侍郎張顯宗等成興州顯宗建文中自國子監祭酒陞工部右侍郎往江西招集丁壯募民出粟上既即位顯宗及江西布政使楊璉按察使房

安僉事呂升並為軍卒執告其罪

上釋不誅謫成興州○夜月犯壘壁陣東第五星○壬辰陞府軍衛指揮僉事詹中為本衛指揮同知○賜鎮遠侯顧成鈔六百錠○制誥之寶成賜中書舍人劉彥銘鈔三十錠胡椒四斤○陝西行都司奏回回可古思於寧夏市馬請官市之以資邊用

上從之命有司償其直上馬每足給絹四疋布六疋中馬絹三疋布五疋下馬絹二疋布四疋駒絹一疋布三疋軍民私市者禁之○工部尚書嚴震直卒震直湖州烏程人洪武庚

午以賢良舉初授布政司右參議之職受事于戶部彙實授戶部郎中壬申陞工部試右侍郎明年陞本部尚書坐事降監察御史彙陞都察院右都御史丁丑復坐事降御史未幾復為工部尚書震直質貌魁偉而寡學無識善附權要

上類簿之○曉刻火星犯左執法○癸巳冊汀

州衛指揮僉事吳廣女為順陽王有烜妃

賜翰林侍讀解縉等七負金織羅衣各一襲○甲午陞揚州衛指揮僉事李政為貴州都指揮僉事旌其以全城歸附也

上謂刑部都察院臣曰前勅法司令囚人入米贖罪以省轉輸之勞近聞有貧而不致米者往往憂戚死期欲生之乃速之死非朕本意自今凡人命十惡死罪強盜傷人者依律處決其餘死罪及流罪令挈家赴比平種田流罪三年死罪五年後錄為良民其徒罪令煎鹽杖罪輸役如故自願納米贖罪者聽仍選徒罪以下罷黜官假以職名俾督民耕種三年有成績實授無成乃坐原罪○定功臣死罪減祿例免三死者初犯減其祿二十之七再犯減其十之七三犯盡奪免二死者初犯

減祿十之五再犯盡奪免一死者一犯盡奪
○定武官軍士贖罪例凡武官犯死罪情輕
者奪俸三年流罪三年徒罪一年杖罪當罷
職者奪俸六月當降等者三月軍士及其戶
丁雜犯死罪發北平衛所屯田○乙未命戶
部申明木鐸教民之令召京民耆老諭之曰
我

太祖高皇帝開創洪業做古為治三十餘年海
宇寧謐民咸樂生尚慮教化未洽游食者衆
自京師至于天下郡縣皆嘗置木鐸及見丁
着業牌令民每日傳述以知警勵勤於生理

毋犯憲章良法美意可傳萬世建文中信用
小人更改舊制京民被其虐害連逃相繼數
年之間風俗靡然朕今嗣承大統嘉與萬姓
同樂大平爾等其謹遵成憲安分守法永為
良民毋作不靖以干國典苟或違之將自罹
殃咎不可追矣仍命戶部行天下咸遵守之
○遣使齎詔撫諭兀良哈大小頭目○命右
軍都督指揮韓觀佩征南將軍印充總兵官
往廣西整肅兵備鎮守城池而節制廣西廣
東二都司賜勅諭觀曰廣西蠻民易叛難服
殺之愈多而愈不治

太祖高皇帝灼見其情故以德撫之至必不得已而後用兵所以蠻民悅服邊境晏安今朕嗣位謹遵成憲卿往鎮之宜務德為本毋專務殺戮庶副朕法

祖柔遠之意賜觀鈔四十錠○追增前燕山右護衛百戶王真奉天靖難推誠宣力武臣特進榮祿大夫柱國金鄉侯謚忠壯真咸寧灞橋人少負智勇隸兵籍洪武中以功授燕山右護衛百戶

上舉兵靖難首協義謀率師下廣昌徇鴈門賈勇衝敵常以一當百

上嘗勵諸將曰奮勇如王真何功不成又攻取滄州破之追其餘衆至滑口俘獲七千人肥河之戰真率壯士突陣而前斬馘無算而後隊不繼敵圍之數匝身被數十槍真氣愈奮斬敵數十人敵益兵圍之真知不免顧左右曰吾義不死敵手馬上自刃而斃敵壯之曰真將軍也訃聞

上傷悼之至是加追贈焉真沉毅有智畧事上于藩邸勤慎小心及從舉義出戰未嘗失利臨陣應敵能出奇制勝

上嘗語侍臣曰王真不死其功當冠諸將云○

命戶部遣官覈實山西太原平陽二府澤潞
遼沁汾五州丁多田少及無田之家分其丁
口以實比平各府州縣仍戶給鈔使置牛具
種子五年後徵其稅○賞從征衛駕將士統
督都指揮銀二百五十兩綵幣十六表裏鈔
四百錠散都指揮銀二百兩綵幣十二表裏
鈔三百錠奇功領隊指揮銀百兩綵幣十表
裏鈔二百錠千戶衛鎮撫儀衛正副各銀六
十兩綵幣八表裏鈔百八十錠百戶所鎮撫
典仗各銀五十兩綵幣六表裏鈔百六十錠
隨伍官軍各銀四十五兩綵幣四表裏鈔百

四十錠縮四足綿布五足綿花五斤頭功領
隊指揮銀六十兩綵幣八表裏鈔百八十錠
千戶衛鎮撫儀衛正副各銀五十兩綵幣六
表裏鈔百六十錠百戶所鎮撫典仗各銀四
十兩綵幣四表裏鈔百四十錠隨伍官軍各
銀三十兩綵幣二表裏鈔百錠縮三足綿布
三足綿花五斤次功領隊指揮銀五十兩綵幣
六表裏鈔百六十錠千戶衛鎮撫儀衛正副
各銀四十兩綵幣四表裏鈔百四十錠百戶
所鎮撫典仗各銀三十五兩綵幣三表裏鈔
百二十錠隨伍官軍各銀二十五兩綵幣一

表裏鈔八十錠絹二疋綿布二疋綿花五斤
○夜月犯天囷星曉刻火星出左掖門外○
丙申修荊州前護衛為遼王府○肅王楨辭
歸賜鈔二萬錠其從官賜鈔有差○以杭州
府知府虞謙為大理寺右少卿○夜金星入
房宿○丁酉蜀王椿辭歸賜勅諭曰賢弟天
性仁孝聰明博學聲聞昭著軍民懷服然蜀
地艱要表遼雜居莫安緩撫付托甚重凡百
自愛以副克懷賜椿鈔二萬錠其從官賜鈔
有差○夜有星如鷄子大青白色尾跡有光
出正北雲中西北行至近濁○戊戌西城回

回者魯刺丁等使哈刺火州還貢硃砂等
物賜鈔有差○車里軍民宣慰使司宣慰使
刀暹答老搃土官刀線歹八百土官刀板面
孟定府土官刀名扛威遠州土官刀箒黨
各遣人來朝貢象齒犀角孔雀尾西洋布紅
花絲帽帳及金銀器賜刀暹答等錦綺紗羅
有差其來使俱賜鈔幣○陞工部左侍郎黃
福為本部尚書是日工部左侍郎張思恭自
建文中出使于外歸復職○夜有二星如鷄
子大俱青白色有光其一出闕丘東北行至
雲中其一出軫宿東北行至游彙○己亥命

都指揮僉事俞讓任貴州都司。賜國子監
雲南生趙祥等四十人冬衣。夜有星如鷄
子大青白色有尾光燭地。出文昌西北行至
近濁。庚子慶王梅辭歸。賜鈔二萬錠。其從
官賜鈔有差。復河南布政司左叅政蔡淵
官淵建文中坐累謫戍廣西。至是赴京。自陳
命還其職。陞左軍都督僉事劉真為本府
左都督。以故前軍都督僉事張春子林為
指揮僉事。賜優給。初春王罪棄市。

上念春父文秀戰功。故有是命。以雲南中護
衛指揮僉事宗麟子四聖保為指揮僉事。
命錦衣衛優給。初麟坐誣死。其子沒為官奴。
至是

上特優之。○辛丑

上以賞賚臣民恩有未洽。命禮部再議。禮部議
奏致仕官在京者照品級賞之多餘。官軍在
京與見任同。其已沒而子孫在京應襲者。准
在京優給。例各處軍職其子孫在兵部聽襲
者。候回衛給賞。旗軍病死及戰沒而有幼子
者。並准紀錄之例。河南三護衛官軍在京候
王之國者。准在京例。廩事監生及三考吏聽
選吏部者。准監生及在京吏典例。孤老准京

民例各王府文武官旗軍醫士厨子匠人等
隨侍來者悉准右京例軍官母女支優給者
賞鈔十錠看守廟宇柴場老軍准養馬廝卒
軍伴同皂隸神樂觀國子監膳夫山川祠祭
署田夫俱准京民例在京辦事官吏承差知
印准辦事人材例樂舞生與天文生同從之
○造鳳陽浮橋船三十八艘○壬寅遣王官
陳福童賜左軍都督僉事徐凱鈔二千錠○
癸卯陞北平都指揮僉事周廣為都指揮同
知鎮江衛指揮僉事童俊為福建都指揮使
柳州衛指揮僉事廖春為廣西都指揮同知

安吉衛指揮僉事徐勛為河南都指揮僉事
金吾左衛指揮使薛山為浙江都指揮同知
會州衛指揮使侯鏞為山西都指揮僉事羽
林肅衛指揮同知楊旺為大寧都指揮僉事
金吾右衛指揮僉事魏剛為都指揮僉事掌
中都留守司事金吾後衛千戶胡勝為府軍
衛指揮僉事○播州宣慰使楊昇思南宣慰
使田大雅貴州宣慰使朱斌來朝貢水銀硃
砂等物賜昇等白金錦綺綵帛賜其僮從有
差○戶部尚書夏原吉言北京諸郡百姓男
女前因避兵遼東山海及山東境內有遇官

軍拘擄亦有以財聘買為妻妾子息者今悉以詔書送赴京轉發原籍往往來告原籍兵後家產蕩盡親戚不存無可依恃而今所託者歲久皆成家矣頓仍留彼不歸且臣之意若即遣回原籍今天氣向寒道路艱難恐至失所請令暫居京師俟行勘原籍有親則遣歸果無則宜從所言亦人情兩便

上曰民罹兵革至轉徙流離皆非得已况被擄乎人情孰不懷土是必擄買之家教誘為此言不可盡信姑留在京給與口糧待春暖遣歸如果用財禮聘娶亦須行勘有實然後給之○甲辰命左府都督僉事徐凱仍任左府事○乙巳建金籙大醮七晝夜於朝天宮薦福

皇考

皇妣○賜遼王植鈔二萬錠○命武康伯徐理等往北平度地以處民之以罪徙者○命都督陳用孫岳陳賢移山西行都司所屬諸衛官軍於北平之地設衛移屯種雲川衛於雄縣王林衛於定州高山衛於保定府東勝左衛於永平府東勝右衛於遵化縣鎮朔衛於蘇州鎮虜衛於涿州定邊衛於通州其天城陽

和宣府前參衛仍復原處○大理寺少卿虞謙自陳建文時臣為杭州知府嘗諫言天下僧道每人止令畜田五畝無田者官給之餘有常住田悉歸官以給無田之民僧道悉免其賦役當時從臣所言之臣當坐改舊制之罪

上笑曰此秀才闢老佛也已在赦前命以奏牘付科復之初有旨凡在建文中上言改舊制者悉令面陳至是視謙有戰懼之色遂命自今不須面陳悉以奏牘送科復之○四川播州宣慰使司請設僧剛道紀二司從之○丙

午陞宣府中護衛指揮僉事劉清為都指揮同知仍令隨侍旌其開金川門奉迎功也○改大同中護衛為定州衛○夜有星如盞大青白色光濁地出正北雲中北行至近濁有二小星隨之○戊申命齊王禔復國青州賜以樂人綵幣及鈔○秦愨王次子尚烈來朝○命順昌伯王佐往雲南副西平侯沐晟鎮守○改山東按察僉事朱夏為廣西按察僉事○賞各王府官軍第一等比奇功第二第三比頭功第四等比次功例不陞官者加賞鈔十錠典膳乃本職食俸同正六品賞准

次功百戶例舍人准次功總旗例凡五百八十七人賞銀鈔表裏有差○已酉製

皇后金寶寶用盤龍紐○命鎮守揚州都指揮同知王禮任河南都司禮初為揚州衛指揮僉事率衆朝見陛都指揮同知鎮守揚州至是改命之○庚戌夜有星如鷄子大青白色光濁地出五諸侯東行至游氣復有星如盞大青白色有尾光濁地出外屏西行至羽林軍

大明太宗體天弘道高明廣運聖武神功純仁至孝文皇帝實錄卷之十二下

大明太宗文皇帝實錄卷之十三

洪武三十五年冬十月辛亥朔命工部給奉天征許軍士衣鞋○湖廣鎮遠州蠻夷長官司長官何惠言本境路當雲南要衝每歲修治清浪焦溪鎮遠二橋工費煩重所部臨諸溪洞民皆狎猫猫狃力不勝役乞令軍民相參修治從之○夜有金星犯天江南第二星有二星其一如鷄子大青白色光濁地出八穀東北行至上台其一如彈丸大青白色有尾出天厨東北行文餘發光如鷄子大至游氣中○壬子冊都督徐章之女為皇第三子高遜妃○寧王權來朝○賜谷王穗鈔十萬錠○

陞吏科都給事中姚行為湖廣布政司右叅政戶
科給事中羅義左叅議刑科都給事中周鼎湖廣
按察使禮科都給事中黃永壽刑科右給事中吳
讓俱副使刑科給事中商惠僉事工科都給事中
李敬為江西布政司右叅議戶科都給事中梁成
兵科都給事中傅壽俱江西按察副使賜鈔及文
綺表裏有差陞江西按察僉事周觀政本司按察
使○陞神策衛指揮同知王觀童驍騎右衛指揮
僉事梁北斗奴俱為北平都指揮僉事指揮僉事
戴彬劉徵俱為錦衣衛指揮同知○製周王櫛儀
仗○癸丑楚世子孟烷來朝○陞前湖廣布政司

左叅議揚抵為鴻臚寺卿以其建文中嘗上書請
敦親恩罷兵息民也○擢浙江布政司試理問
李繼先前潞州軍民指揮司試經歷陳升前威海
軍民指揮司試經歷侯汝為俱為監察御史○陞
羽林前衛指揮使劉信為河南都指揮使○命都指
揮僉事劉達掌滁州衛事初達為滁州衛指揮僉
事以歸附功陞今官至是仍令掌本衛事○金筑
安撫司安撫得朶來朝賜絨錦二端文綺五表裏
鈔八錠○夜有二星如鷄子大其一赤色有光出
天園東行至近濁其一青白色有尾光濁地出外
屏西北行至霹靂○甲寅

上謂兵部尚書忠誠伯茹瑯兵部尚書劉儁曰昔太祖高皇帝嘗戒勅諸將校曰軍士家屬既衆而月糧有限衣食不足不免飢寒加以爾等無惻隱之心侵漁私役困苦不勝往往逃亡缺伍故當時私役者每一日追工錢一貫仍論其罪朕今切慮內外將校不能撫恤軍士比昔有加所以逃亡者衆自今計其軍逃亡之數以論罰如百戶有逃一人者減其俸之半逃十人者全不給至三十人者降克總旗四十人降克小旗五十人發克軍其千戶逃軍十倍於百戶指揮逃軍五倍於千戶者並減俸及迺降一等皆如百戶之例○陞吏科左給事

中黃畊為本科都給事中改右給事中朱紘左給事中以給事中鄒旃為右給事中陞戶科左給事中徐竒本科都給事中以給事中黃宗晦為左給事中萬忠右給事中陞禮科左給事中毆陽以恭本科給事^都中以給事中何仕讓為左給事中熊文授右給事中陞兵科左給事中鄭遂本科都給事中改右給事中舒孟名左給事中胡濙右給事^中陞刑科左給事中周璟本科都給事中以給事中陸中善為左給事中朱原真右給事中陞工科給事中趙毅本科都給事中○陞廣武衛指揮僉事許亨為北平都指揮僉事身北平都指揮僉事得

之子以朝見於揚州特命任其父官仍命其父以
本官致事○復設應天府溧陽縣批驗鹽引所○
曉刻火星犯進賢星○乙卯命羽林前衛指揮同
知王三哈歸侍親彰德仍給以俸初三吟自彰德
衛軍來歸數從征有功陞今官至是以母老不能
就養乞還省視

上嘉其孝故有是命○丙辰享

太廟畢遣官祭功臣于鷄鳴山廟先是禮部侍郎宋
禮言功臣自有廟請罷

太廟配享但于本廟祭之

上曰

先帝所定配享不可罷又曰此皆佐命開國之臣既
自有廟俟

太廟享畢亦別遣官即其廟祭之於義可也著為令
○晏寧王權谷王棟於華蓋殿○擢監生王孚陳
禮朱肇何海陞貞王政劉端姚綱阮瑤姚伯善俱
為給事中大理寺左評事周新蔡瑛孫碩劉觀右
評事楊廉鴻臚寺司賓署丞周敏序班劉英兵部
司務張進遠志盛文明行人李公敏亢誠施安顧
謙牛庸傅林盛敬俱為監察御史○陞錦衣衛指
揮僉事繆忠潘諳陳敬程遠李忠俱為本衛指揮
同知○夜木星犯天江第二星○丁巳吏部奏前

北平所屬州縣官朱寧等二百一十九人

皇上舉兵靖難之際俱棄職遠避宜冥諸法命入粟贖罪畢發興州屯戍○晏奉天征討功臣畢

上諭之曰君臣謂之元首股肱蓋一體相涵也故為君必務保全其臣然為臣亦當思自保凡人致富貴難保富貴尤難爾等從朕數年萬死一生今皆身有封爵祿及子孫可為難矣但當思保之夫有功則賞有罪則罰此

祖宗公天下之法爾等須遵守若不謹而犯之朕不敢曲宥蓋以私廢公則天下不服矣其務敬慎庶幾共安榮於永遠○戊午勅禮部曰

太祖高皇帝臨御命所司歷考禮樂制度參酌古今上自朝廷下及軍民冠昏喪祭之儀服舍器用之制皆有等差著為定式頒布中外行之久矣朕慮今有司因循苟且奉行弗謹致有非分違法干犯刑憲非朕所以愛民之道爾禮部其以洪武中所定一切制度圖示中外俾人知遵守庶幾享太平之福○旌表處州府麗水縣民鄭季廉妻戴氏饒州府樂平縣民詹伯尹妻倪氏程啓明妻汪氏貞節三人俱以早寡守志不二有司上其事故有是命○命陝西河南山西山東鳳陽諸府州縣選力士三千五百人○寧王權奏故妃張氏之歿適際

兵旅多事之際迄今未葬命工部給明器儀仗令
所在有司營葬事○已未修

太祖高皇帝實錄勅太子太師曹國公李景隆太子
少保兼兵部尚書忠誠伯茹瑯曰昔

皇考太祖高皇帝順天應人開基啓運自布衣提三
尺劍十數年間削刈群雄平一六合功成治定制
禮作樂身致大平垂四十年功德之盛亘古莫倫
比者建文所修實錄遺逸既多兼有失實朕覽之
誠有謙焉今命儒臣重加纂修務在詳備庶幾
神功聖德明昭日月垂裕萬世爾景隆國之懿戚自
少暨壯服事

皇考廟謨睿畧多所聞知今特命爾監修瑯祇事
先帝多歷年載信任彌篤當時

聖政亦所悉焉其為之副尚端乃心悉乃力用著成
一代之盛典豈惟仰答

先朝寵遇之厚亦以副予惓惓之孝誠欽哉○封周
王禘長女為儀封郡主擢右軍都督僉事馬溥子
春為中奉大夫宗人府儀賓以郡主配之○真人
張宇初來朝賜鈔六百錠○復湯中河南布政司
左叅議阮有彰按察司按察使中等先官河南建
文中坐事罷故今復之○陞都指揮僉事林帖木
兒蘇火耳灰俱為都指揮同知指揮僉事婁鬼力

為都指揮僉事。○修陝西西安府灞橋。○庚申諭
修實錄官曰自古帝王功德之隆者必有史官紀
載垂範萬年我

皇考太祖高皇帝神功聖德

天地同運日月同明漢唐以來未之有也。比建文中
信用方孝孺等纂述實錄任其私見或乖詳畧之
宜或昧是非之正致盛美弗彰神人共憤蹈于顯
戮咸厥自貽今已命太子太師曹國公李景隆為
監修太子少保兼兵部尚書忠誠伯茹瑯為副監
修爾等皆茂簡才識俾職纂述其端乃心悉乃力
以古良史自期恪勤纂述必詳必公用光昭我

皇考創業垂統武功文治之盛與乾坤相為無窮斯

汝為無忝厥職矣欽哉。○陞金吾左衛千戶宋聚
為金吾右衛指揮僉事旌其從征徐州出哨功也
○辛酉楚世子孟烷辭歸賜鈔六千錠其從官賜
鈔有差。○賜壽陽郡主清湘郡主自全文綺及鈔
○改江西布政司治為寧王府。○都督陳質有罪
伏誅初質任江西都指揮建文中調守大同遂陞
中軍都督同知擅作威福劫制代王僭取府中器
物虜掠已附居民強奪良家子女至是事覺誅之
○壬戌命工部營中陽王府。○陞武城左衛指揮
使楊青蘇州衛指揮使李貴潼關衛指揮同知吳

凱驍騎右衛指揮僉事王聚俱為都指揮僉事凱
任江西聚湖廣青陝西都司貴山西行都司撒馬
兒罕歸附千戶亦剌思為錦衣衛指揮使羽林前
衛千戶沈擅任福齊聚金吾左衛千戶康泰俱為
指揮同知擅福俱任本衛聚泰俱金吾左衛羽林
前衛千戶王禮金吾左衛千戶張得林金吾右衛
千戶沈任蔣義劉驢兒府軍後衛千戶錢興前燕
府儀衛正王義俱為指揮僉事王禮錢興各任本
衛張得林沈任蔣義劉驢兒俱金吾右衛王義錦
衣衛以金吾左衛指揮僉事周原子鑑千戶郭成
弟拜住俱襲陞府軍右衛指揮同知○癸亥夜金

星入南斗杓第二星○甲子賜晉王濟燻書令於
護衛內撥馬步官軍四千隨高平王平陽王於平
陽衛府暫居分原給本衛符驗二道與之○遼東
都指揮司奏九月戊子虜寇犯開原至北門外備
禦都指揮吳立遣指揮莊濟率軍拒之賊退癸巳
謀報賊營城外五里濟領軍襲之賊以衆迎敵指
揮張洵李冕棄軍而走賊乘勢直前濟督軍與戰
殺傷相等衛鎮撫張能千戶陳良等九人死之濟
被重創督戰益力賊敗去勅鎮守遼東左都督劉
貞曰古之馭夷狄者嚴兵守境使不得為寇若其
入寇驅之則已今既不能嚴備使遂至城下驅而

去之足矣何必追襲既以兵襲之則當力戰而張
恂李冕乃棄軍先走致傷吾將士其張恂李冕即
斬以徇將士死傷者優恤其家仍督緣邊諸將嚴
兵守備寇來則驅之慎勿與戰也○曉刻火星入
角宿○乙丑夜月犯畢宿天星有星如鷄子大青
白色有光出离宮西行入河鼓○丙寅陞陝西布
政司右叅政戚存心為禮部右侍郎陝西按察使
師達為兵部右侍郎副使王平為都察院左僉都
御史僉事朱逢吉為大理寺左寺丞實授刑科試
給事中謝朝錫本科給事中○命鎮遠侯顧成鎮
貴州○改肅府護衛為莊浪衛○丁卯命唐王桎

郢王棟伊王樸興平王尚焯永壽王尚烜冠○定
北平守城功賞以北平永平保定為一例通州遵
化為一例蘇州為一例隆慶密雲密雲後衛為一
例各以歲月久近為等第自都指揮至民丁給賞
各有差北平永平保定洪武三十二年至三十五
年都指揮銀五十兩綵幣八表裏鈔百六十錠指
揮銀二十兩綵幣六表裏鈔百錠千戶銀十五兩
綵幣四表裏鈔八十錠百戶銀十兩綵幣三表裏
鈔六十錠旗軍銀五兩絹三足綿布四足鈔五十
錠編伍舍人餘丁及民鈔五十錠洪武三十三年
至三十五年都指揮銀四十兩綵幣六表裏鈔百

錠指揮銀十五兩綵幣四表裏鈔八十錠千百戶
銀十兩綵幣三表裏鈔六十錠旗軍絹二足綿布
三足鈔四十錠編伍舍人家餘丁民人鈔四十
錠洪武三十四年至三十五年都指揮銀三十兩
綵幣四表裏鈔百錠指揮銀十兩綵幣三表裏鈔
六十錠千戶銀八兩綵幣二表裏鈔四十錠百戶
銀六兩綵幣二表裏鈔四十錠旗軍絹一足綿布
二足鈔二十錠編伍舍人家餘丁民人鈔三十
錠通州遵化二處洪武三十二年至三十五年都
指揮銀四十兩綵幣六表裏鈔百二十錠指揮銀
十五兩綵幣四表裏鈔八十錠千戶銀十兩綵幣

三表裏鈔六十錠百戶銀八兩綵幣二表裏鈔五
十錠旗軍絹二足綿布三足鈔四十錠編伍舍人
家人餘丁民人鈔四十錠洪武三十三年至三十
五年都指揮銀三十兩綵幣四表裏鈔百錠指揮銀
十兩綵幣三表裏鈔六十錠千戶銀八兩綵幣二
表裏鈔五十錠百戶銀六兩綵幣二表裏鈔四十
錠旗軍絹一足綿布二足鈔三十錠編伍舍人家
餘丁民人鈔三十錠洪武三十四年至三十五
年都指揮銀二十五兩綵幣二表裏鈔六十錠指
揮銀七兩綵幣二表裏鈔四十錠千戶銀六兩綵
幣一表裏鈔三十錠百戶銀五兩綵幣一表裏鈔

二十錠旗軍絹一疋綿布二疋鈔二十錠編伍舍
人家人餘丁民人錠三十錠蘇州洪武三十二年
至三十五年都指揮銀三十兩絲幣四表裏鈔百
錠指揮銀十兩絲幣三表裏鈔六十錠千戶銀八
兩絲幣二表裏鈔五十錠百戶銀六兩絲幣一表
裏鈔二十鈔旗軍絹一疋綿布二疋鈔三十錠編
伍舍人家人餘丁民人鈔二十錠洪武三十三年
至三十五年都指揮銀二十五兩絲幣三表裏鈔
六十錠指揮銀七兩絲幣二表裏鈔四十錠千戶
銀六兩絲幣一表裏鈔三十錠百戶銀五兩絲幣
一表裏鈔二十錠旗軍絹一疋綿布一疋鈔二十

錠編伍舍人家人餘丁民人鈔二十錠隆慶密雲
密雲後衛三處洪武三十二年至三十五年都指
揮銀二十五兩絲幣三表裏鈔六十錠指揮銀七
兩絲幣二表裏鈔四十錠千戶銀六兩絲幣一表
裏鈔三十錠百戶銀五兩絲幣一表裏鈔二十錠
旗軍絹布各一疋鈔二十錠編伍舍人家人餘丁
民人鈔一十錠洪武三十三年至三十五年都指
揮銀二十兩絲幣二表裏鈔四十錠指揮銀六兩
絲幣一表裏鈔三十錠千戶銀五兩絲幣一表裏
鈔二十錠百戶銀四兩絲幣一表裏鈔十二錠旗
軍絹布各一疋鈔十六錠編武舍人家人餘丁民

人鈔十二錠○以守城功賞遼東都指揮僉事徐剛銀三十兩綵幣四表裏鈔三十錠○復設餘姚千戶所○戊辰以都指揮同知常善為中都留守司副留守陞河南都司都指揮僉事徐勛呂均為本司都指揮使○庚午以右軍都督僉事袁義次子興襲父原職府軍左衛指揮使初義卒長子旺襲職坐誹謗流嶺南

上兵至靈壁興以錦衣衛散騎舍人來朝至是特命襲職○辛未山東青州諸郡蝗命戶部給鈔二十萬錠賑民凡賑三萬九千三百餘戶仍令有司免其徭役○陞密雲後衛鎮撫楊起為錦衣衛指揮

僉事○壬申谷王穗之國長沙賜馬二十四足鞍二副銀五百兩鈔三萬六千錠綿十足紵絲綾羅各六十足絹百九十足羊二十疋酒二百瓶賜其從官都督長史以下及內官鈔有差○寧夏總兵官左都督何福奏請所調馬步官軍在邊者五月一更以息之屯田韃軍內選驍遠勇者免徵其糧操習聽調河州多產馬購其良者以廣邊防把隘軍士宜給皮裘狐帽禦寒悉從之勅福曰所籌邊務悉當朕意今冬寒正虜寇出沒之時尤宜嚴謹邊備回回有宋市馬者聽須立官市於城外定其價官與收買為長久之法仍嚴出境之禁凡諸事

務悉宜慎察○癸酉復定海縣丞溫仲和尤溪縣丞孟箒河南按察司僉事二人洪武中俱以監生署僉事建文中坐事降至是召還而實授之○韃靼脫不花驢驢來歸賜衣鈔綵幣居之京師○甲戌詔隨征將士前有虜掠民間子女者悉還其家官給鈔人五錠為道里費有匿不還者罪之○復設四川建昌衛中前中二千戶所鹽井衛中右中前中後中中四千戶所寧番衛中左中右中前中後中中五千戶所會川衛前千戶所越嵩衛左右二千戶所○夜有星如鷄子大青白色尾跡有光出婁宿西北行至游氣月行大微垣端門中

曉刻○月犯左執法○乙亥復廬洲兵部左侍郎淵建文中由左侍郎坐累被謫至是以茹瑺言其才行故召復之改兵部右侍郎師遠為吏部右侍郎○命五軍十三衛選銀牌殺手有膂力膽量身長五尺以上者克將軍備宿衛○旌表鎮江府丹徒縣民唐川孝行川時以倉夫役京師母徐氏家居嬰疾川聞封股欲歸食之通政司以聞上賜鈔十錠命為鴻臚寺序班使迎其母就養仍旌其門○貴州都指揮張忠坐事謫寧夏聽總兵官都督何福調○左軍都督僉事徐凱卒凱廬州合肥人自少慷慨有志事

太祖高皇帝以軍功積官至都督僉事建文中守滄州以禦

上後為

上所禽釋而遣之凱餉留自效從之仍其官祿至是以疾卒遣官賜祭未幾凱母亦卒並給傳歸葬仍賜鈔米及布恤其家○丙子陞太常寺協律郎朱焯為本寺少卿奉祀謝靖真葛清隱為寺丞○甲州中衛左所軍張真上言臣聞人君繼統之初天下治亂之所始也書曰與治同道罔不興與亂同事罔不亡欽惟

皇帝陛下嗣登寶位天下士民懽忻鼓舞莫不延頌

仰望太平伏願

陛下以古聖王為法日與侍從大臣講求致治之道深謀遠慮以保

宗社寬恩需澤以固人心攬權剛謹號令使上下齊一內外清寧取忠言納直諫使下清得達社僥倖塞讒妄使奸邪不行別白是非審定好惡求逸民徵有道取有用黜無益廣公田厚俸祿省刑罰薄稅斂擇將練兵懾服隣敵如此則

聖德日新皇風日遠蠻夷輸欵絕域來歸太平之道指日可待矣又言馭夷狄之道在於任將御賢將之術以信御才將之術以智人君當觀其才之大

小而任使之昔

太祖高皇帝選任智謀之將以制四夷是以邊境寧謐宇內晏然建文間雜以龔職幼官膏梁子弟不遵約束數犯刑憲今涼州衛幼官尤多素昧武畧而驕奢日縱嗜酒貪淫遊獵為務其于邊事畧不究心况本境夷虜雜處一失制馭為患不小伏望陛下慎選良將任以邊寄凡龔職幼官悉改調內地此

聖朝久安之術也

上覽畢顧禮部侍郎宋禮曰雖堯舜禹之聖亦皆樂取人言以為治朕即位以來首下詔求言而言者

無幾此戍卒能上言雖不皆可未然為國之意則善宜加賚之其賜衣一襲鈔千貫又顧禮曰居其位無其言君子耻之卿等亦無嘿嘿守位而已○設海南衛城西水驛○丁丑陞兆州衛指揮同知劉昭為陝西都指揮僉事○命禮部鑄內府午門東華西華玄武四門闌防條記○詔罪人應發屯戍者皆從六科給事中及行人司編次隊伍然後遣行以防奸弊○戊寅賜周王楠鈔十萬錠○慶成王濟炫來朝○改建周王府於洛陽蓋王以汴梁城為河水所圯奏乞從洛陽上許之命都督王溥工部侍郎劉仲庶相度規畫○

陞太僕寺屬官丁維南為太僕寺丞改陝西按察
僉事楊惟中署大理寺左寺丞徐誠為湖廣按察
僉事山東布政司左叅政車泰為四川布政司左
叅政宋伯義為陝西布政司右叅政山東右叅議
呂名善為雲南布政司左叅議擢桃源縣知縣陸
廣平為廣西道監察御史○命兵部復設大寧營
州興州三衛凡各衛官軍先調遼東等處及在京
並有坐事謫戍邊者皆令復原衛屯田命戶部尚
書王純馳驛往北平興新昌伯唐虞經度屯種○
己卯陞中軍都督僉事宋晟為後軍左都督擢晟
子瑛為府軍右衛指揮使徙子端為錦衣衛指揮
僉事○欽天監奏天象當有外夷犯邊勅邊將嚴
守備○夜有星如鷄子大赤色有光出翼宿金端
門東北行至謁者旁

大明太宗文皇帝實錄卷之十三

大明太宗文皇帝實錄卷之十四

洪武三十五年十一月庚辰朔欽天監進永樂元年大統曆

上御奉天殿受之頒賜諸王及文武群臣○夜有星如鷄子大青白色光燭地出軒表東北行入下台○辛巳勅鎮守遼東左都督劉真曰向虜未入寇之時妻勅爾等嚴守備勿輕忽今聞虜入境劫掠此不用朕命故也其即收集各屯人畜於近城暫住嚴固邊備審度事機可發軍則發不可則止務在萬全慎毋輕率前過深為可戒矣○擢監生馬賓為禮科給事中○壬午命禮部清理釋道二教

凡歷代以來若漢晉唐宋金元及本朝洪武十五年以前寺觀有名額者不必歸併其新創者悉歸併如舊○北平署布政司事儀賓李讓奏請七月以前各處商民中鹽未開引者暫停止先令北平中納候糧可足三年仍依前例戶部尚書夏原吉曰讓言雖善但商民舊中者守候已久難于再稽其北平新中者今置流通文籍付運司令不次支給

上從原吉言○夜有星如鷄子大青白色有光出天廟西南行至游氣曉刻火星入亢宿○癸未修常州府武進縣剽銀河閘○甲申高平王濟燁來朝

上謂掌後軍都督府事雲陽伯陳旭等曰東北胡虜數入邊境窺矚虛實或徑至剽掠其令武安侯於千戶寨灰嶺慶州神樹西馬山七渡河皆設烟墩候望有警即放砲使屯守知備仍令新昌伯以所領軍自小興州至大興州東接牛嶺會州塔山龍山諸處屯種北勿出會州西勿過千戶寨○陞都指揮使景福為右軍都督僉事都指揮僉事薛貴為後軍都督僉事徐甫為浙江都指揮同知並加賜賚初

上陞功臣福等以有罪不預至是

上謂兵部臣曰諸將士從朕征討出萬死一生一資

半級得之良難而武人不諳禮義易於犯法朕既棄過錄功即可如例陞賞於是福等皆預恩命○陞錦衣衛指揮僉事劉智肅遜葛能李敬俱為指揮使○遼東都指揮司奏近虜寇犯盤山驛虜掠人畜即督官軍邀之於尖山北賊駭散追回男女百八十五人牛二百七十一頭又追至柳河迤北賊遠遁而還

上謂兵部臣曰雖能追奪所侵掠曷若先事有備使賊不能入境此皆邊將素不謹也仍馳檄戒飭之○乙酉陞高郵衛指揮同知王傑為山西都指揮同知羽林前衛指揮使張森指揮同知董義羽林

右衛指揮同知王銘俱為都指揮僉事森任河南都司義浙江銘山東金吾右衛指揮同知方全羽林前衛千戶薛成王興俱為都指揮使成任金吾右衛全興各任本衛羽林前衛指揮僉事錢聚金吾左衛千戶呂伍安孫斌大興左衛千戶車鑿俱指揮同知聚伍安各任本衛斌羽林左衛鑿江淮衛羽林前衛千戶賀全脫火歹金吾左衛千戶王勉金吾右衛千戶王剛王得山海衛千戶唐成俱為指揮僉事金脫火歹俱任本衛勉剛成俱全吾右衛得孝陵衛命旗手衛故指揮僉事于海弟勇襲其兄職○丙午新作奉先殿成享

五廟太皇太后○思州宣慰使田琛來朝貢馬賜琛
襲衣及白金錦騎○永順宣慰使彭添保保靖宣
慰使彭萬里石砭宣撫馬良及卧龍番等長官龍
祖慶等各遣使貢馬及方物賀明年正旦賜鈔幣
有差○設郴州郴江驛○丁亥禮部進冊

皇后儀注先期三日齋戒遣官祭告

天地

宗廟用香幣酒脯行一獻禮前一日禮部同鴻臚寺
官設詔案于奉天殿中節冊寶案于詔案之南節
案居中冊東寶西設節冊寶綵輿於丹陛之東尚
寶司設寶案教坊司設中和韶樂及大樂至日早

錦衣衛官設鹵簿大駕內官設

皇后受冊位于宮中及設節冊寶案節案居中冊東
寶西設香案於節案之前設內贊二人引禮二人
設女樂於丹陛之上

上具史弁服御華蓋殿翰林院官以詔書用寶訖鴻
臚寺官奏執事官行禮畢奏請陞殿如常儀文武
百官具朝服行叩頭禮左右侍班正副使入就拜
位贊鞠躬樂作四拜興樂止傳制官跪奏傳制俯
伏興執事官舉節冊寶案由殿左門出置御道中
傳制官由左門出西向立稱有制贊正副使跪制
曰洪武三十五年十一月十三日冊妃徐氏為皇

后授以冊寶命卿寺持節行禮贊俯伏與樂作四拜禮畢樂止執事官舉節冊寶置絳輿中黃蓋遮送樂作至奉天門樂止儀仗鼓樂迎節冊寶至右順門外正副使朝北立內官捧節冊寶由正門入女樂導迎節冊寶未至之前引禮請

皇后具禮服宮人侍衛以俟節冊寶將至引禮導

皇后出迎于宮門外節冊寶至由正門入

皇后隨至拜位內官以節冊寶各置于案樂作內贊四拜樂止贊宣冊贊跪宣冊女官取冊立宣于

皇后之左宣訖贊受冊贊播圭宣冊女官以冊跪授皇后受訖以授女官女官跪受于

皇后之右立于西贊授寶其授受亦如冊贊出圭贊與樂作內贊贊四拜樂止禮畢內官持節由正門出

皇后出送於宮門外內官至右順門以節授正副使報禮畢正副使得報持節復命翰林院官以詔書授禮部官禮部官捧詔書于承天門開讀如常儀皇后受冊畢內官先具謁告儀物翰林院官具謁告文

上率皇后皆具服詣

奉天殿行謁告禮如常儀謁畢

皇后具服於內殿俟

上具史并服陞座贊引女官導詣

上前就拜位行謝恩禮樂作八拜樂止贊禮畢還宮

是日內官設

皇后座于中宮南向設諸親諸命婦拜位于墀內北向設儀仗女樂設內贊二人引禮二人引禮導長公主公主及親王妃俟

皇后具服陞座引禮引詣

皇后前行八拜禮次引六尚等女官行禮如之次引四品以上外命婦行四拜禮贊跪內贊跪致詞云妾某氏等恭惟

皇后殿下榮膺冊命正位中宮禮當慶賀致畢贊俯

伏興平身四拜禮畢次日文武百官上表命婦上箋稱賀如常儀制曰可○陞金吾左衛千戶胡才輕為旗手衛指揮僉事○復安東中屯衛大同瀋陽二屯衛俱隸北平都司銅鼓五開靖州三衛仍隸湖廣都司○戊子禮部言在外文武五品以上衙門進賀冊

后表文其進中宮箋文原無定制諸司執長惟言在京命婦進箋考之宋制至道三年冊后群臣奉箋稱賀國朝在外各王府及文武五品以上衙門凡遇節旦俱有進賀中宮箋文以此例之冊立中宮宜令進箋稱賀從之○禮部又言親王儀仗合增

紅油絹銷金雨織一紅紗灯笼紅油紙灯笼各二對
對鈇灯一對大小銅角二對從之○已丑勅鎮守遼東
左都督劉真曰開原騎士一千止留三百守備餘七百
令還遼東與金復海蓋四衛騎士同操養威畜銳以俟
若虜輕剽深入有可乘之機即出奇突戰非欲僥利
蓋欲出彼不測而摧沮之使不敢復入然後邊境可寧
屯田軍士得安於耕作若無機可乘則嚴固守備毋開
邊隙○陞翰林院侍讀解縉為本院侍讀李士侍讀胡靖
編修黃淮檢討胡儼皆侍讀修撰楊榮編修楊士奇檢討
金幼孜皆侍講○鞋鞞頭目五丑驢自涼州來朝命為

錦衣衛指揮僉事○庚寅陞營州右護衛指揮使張真
金吾右衛指揮使完者帖木兒指揮同知萬得俱為都
指揮僉事禎等從

上征討嘗出哨徐州有功故論報之○陝西商縣言
本縣鳳凰山舊有銀坑八所乞令所司覈實定額開煎
從之○夜月犯天困星○辛卯長山王賢燧來朝○壬
辰冊妃徐氏為皇后冊日粵稽古典內治之隆媯汭濱
虞塗山翼夏姬周之盛本自姜任厚德承天彛倫收叙
昔我

皇考太祖高皇帝龍飛啓運身治太平亦惟我皇姚
孝慈高皇后坤元合德克相肇基日月光華照

臨下土化成俗美有闕睢麟趾之風淑慶方亨壺
儀猶在詔爾徐氏中山武寧王徐達之女為朕正
妃內助藩國二十餘年朕躬行天討無內顧之憂
濟朕艱難同勤開國今寰宇肅清朕登大寶允賴
相成宜正位號今特遣使奉金冊金寶立爾為皇
后以奉

神靈之統毋儀天下表正六宮爾尚遠遵古道謹守
高皇后之訓夙夜謹戒永保真吉耿光萬年於戲敬
之是日詔告天下詔曰朕荷

天地神靈

祖宗敷佑繼承大統華夏肅清稽於古典虞夏殷周

之盛亦質內助以致雍熙朕

皇考太祖高皇帝肇修人紀博典庸禮臻茲治平薄
海內外室家相慶功德兼隆與

天地同運亦惟朕

皇妣孝慈高皇后效法承

天肅雍顯相德配

聖神化家為國朕奉藩於燕垂二十年正妃徐氏開
國元勲中山武寧王徐達之女達佐朕

皇考咸有一德格于

皇天惟申命用休君臣篤慶榮裕始終毓茲貞淑嬪
于肇封家政輯寧朕躬行天討無內顧之憂享德

嘉貞壺儀懿範同朕恭勤保茲

天命君臨爾萬姓之上是用於洪武三十五年十一月十三日命使奉金冊金寶立徐氏為皇后正位中宮共承

宗廟布告天下咸使聞知○文武百官命婦朝賀中宮賜晏及鈔綵幣表裏有差○廣澤王允通懷恩王允燬至京皆免為庶人以素不能匡輔其兄也○夜月犯畢宿右股第一星○癸巳

上謂兵部尚書劉儁曰建文中官軍總小旗以罪罷職役者罪多失當其皆復之洪武中罷職役者令從邊將立功俟有功亦復之時鎮遠侯顧成鎮貴

州都督韓觀鎮廣西劉貞鎮遼東何福鎮寧夏凡各處官旗立功者隨所近分隸焉○命都指揮同知王儀徐政俱任河南都司都指揮僉事楊欽祖任北平都司○選校尉五千於江西補各郡王從人之闕○設雅州蒼溪龍灘虎跳三驛○甲午封皇第三女為安成公主○以冊立中宮晏文武群臣四品以上于奉天殿五品以下于丹墀命婦宴于坤寧宮○設金華府雙溪馬驛○乙未復荊州中護衛隸遼王府改宣府護衛為長沙護衛仍立谷王府以宣府所餘官軍設宣府左右二衛左衛於保定屯守右衛于定州屯守改廣寧三護衛為

廣寧左右中三衛隸東都司○丁酉左軍都督僉
事何濬坐不宿衛免官命於寧夏聽總兵官左
都督何福調○戊戌冬至

上御奉天殿受朝賀大宴文武群臣及四夷朝使命
婦朝

皇后于坤寧宮錫宴○己亥命普定衛故指揮使顧
統子興祖襲其父官時尚幼令讀書習武藝候年
十五任事統鎮遠侯成長子成初歸

上於貞定建文君聞之殺統至是

上憫統故特優恤之○戶部尚書夏原吉言寶鈔提
舉司鈔板歲久篆文銷乏且皆洪武年號明年改

元永樂宜併更之

上曰板歲久當易則易不必改洪武為永樂蓋朕所
遵用皆

太祖成憲雖未用洪武可也○曉刻火星入氐宿○
庚子陞都指揮使梁銘為後軍都督僉事金吾左
衛千戶傅賢為本衛指揮同知○寧夏總兵官左
都督何福奏北虜襲涼州近城三十里守將都指
揮丁斌畏怯不進時舍人王榮差使在涼州見寇
已去輒督兵窮追致官軍失利斌失機榮擅命皆
當明正其罪

上命法司治斌榮罪福又奏邊警不時而堪戰之馬

火無以應猝遽命河南都司於屬衛選千五百匹給之○辛丑高平王濟燁慶成王濟炫長山王賢峻辭歸各賜鈔二千錠其從官賜鈔有差○撫安北平郡縣戶部郎中李昶言真定武強縣南濠沱河決滄民田五十餘頃宜亟脩治而民力不敷乞發傍近州縣民及真定衛軍相參脩築從之○河南布政司參議杜驥按察司僉事吳彙石常都司都指揮僉事劉珪有罪謫興州屯戍初周王未復國河水暴溢奄五城內倉猝無所避驥等挈家入避王府又嘗乘馬至端禮門下至是事覈法司論其罪遂謫之○夜有星如彈丸大青赤色出文昌

西約丈餘發光如盞大光燭地至紫微西番外○壬寅遣使賫勅諭兀良哈韃靼野人諸郡曰朕今統承天位天下一家溥海內外俱效職貢近邊將言爾諸酋長咸有歸向之誠朕用嘉之特令百戶裴牙失里賫勅諭爾其各居邊境永安生業商賈貿易一從所便欲來朝者與使臣階至○上以北平左布政使郭資有守城功陞戶部尚書仍命掌布政司事賜銀三百兩文綺二十匹有副鈔五百錠○夜月犯太微東垣上相星○癸卯遣太監鄭和祭乳母馮氏○岷王榘來朝○夜有星如鷄子大青白色有光出子星南行至游棊○甲辰

改山東按察副使林崧為廣東按察副使○陞金
吾左衛千戶者兒瓦歹為本衛指揮僉事○吏部
言舊例教授滿九年任內諸生有舉人九名又考
本官通經者陞用舉人四名又考通經者從本等
用舉人不及四名又考不通經黜降別用今四川
順慶府儒學教授馮莊甫考通經任內止有舉人
三名請降用

上命降學正著為令又言監課提舉司考滿舊無定
例宜如稅課司局官三年赴布政司按察司考覈
九年赴部通考從之○都察院副都御史陳瑛言
皇人順天應人以有天下四方萬姓莫下率服然

車駕初至京師有不順命而效死於建文者如禮部
侍中黃觀太常寺少卿廖昇翰林院修撰王叔英
衡府紀善周是修浙江按察使王良沛縣知縣顏
伯偉等計其存心與叛逆同宜追戮之

上曰朕初舉義誅姦臣不過齊黃數輩耳後來二十
九人中如張統王鈍鄭賜黃福尹昌隆皆宥而用
之今汝所言數人况又不與二十九人之數者彼
食其祿自盡其心悉勿問蓋

上初入京城昇及是脩自經死觀時守安慶投江死
叔英守廣德自經死良在官闔家自焚先是
上兵至沛縣伯偉不肯下與其子俱死後瑛閱方孝

孺等獄詞遂薄蘇觀叔英家妻女皆將給配觀妻
出通濟門先擠其二女于河遂自沉叔英二女皆
笄就錦衣衛獄俱赴井死○乙巳陞燕山前衛總
旗苗從義為指揮使從義首預平定九門後累有
軍功故特超用之○朝選國王李芳遠遣陪臣河
崙等奉表朝賀貢馬命禮部宴勞之○西城回回
蘇哈丁陝西丁等二百人來朝貢馬百六十駱駝
二賜鈔有差○丙午製陪祀官祭服二百襲樂舞
生紅羅袍服二百一十四襲○復河南布政司右
叅議邢政按察僉事魏本立官初政等建文中坐罪
謫戍廣西故召復之○廣西安隆峒土酋岑子

得來朝貢馬請設治所○夜金星犯壘壁陣西第
五星曉刻月犯罰星○丁未陞彭城衛指揮使朱
廣為山東都指揮僉事羽林前衛指揮使栗義為
山西都指揮僉事論其從隆平侯張信直沽之功
也○戊申陞都指揮僉事周興金吾右衛指揮使
王弼俱為都指揮同知興任太寧都司弼山東金
吾左衛指揮使王福金吾右衛指揮使韓朶羅帖
木兒羽林前衛指揮使李善張山蘇州衛指揮使
衛青俱為都指揮僉事善任浙江都司山遼東青
掌中都番守司福掌旗手衛韓掌和陽衛羽林前
衛指揮同知楊成李旺金吾前衛指揮同知汪海

金吾左衛指揮僉事謝敬周王金吾右衛指揮同知李彬傳閔張勝燕山左衛指揮同知宋得義橫海衛指揮僉事陳貴俱為指揮使成任府軍右衛彬旺俱羽林前衛閔錦衣衛得義羽林左衛海王金吾前衛貴勝俱金吾右衛敬府軍後衛羽林前衛指揮僉事顏晃忽楊仲和迭里必失千戶李勝金吾左衛指揮僉事鄒壽韓貴韓興劉義千戶宋義鄒亨邢貴李英劉成翟旺楊鐵塊張成馮得金吾右衛指揮僉事馬隆千戶郝海方原朱能孫成李榮陳興羽林左衛指揮僉事竺貴府軍後衛指揮僉事劉真蘇州衛指揮僉事尚和府軍衛指揮僉

事郝王燕山左衛千戶鄧成鎮江衛千戶王溫永清左衛千戶夏春俱為指揮同知顏晃忽仲和迭里必失溫俱任羽林前衛壽張成俱羽林左衛勝陳興和俱旗手衛韓貴韓興榮俱孝陵衛宋義邢貴劉義英劉成鐵塊旺俱本衛鄧成竺貴俱全吾後衛王府軍衛得府軍左衛海原能孫成俱府軍右衛隆真俱府軍後衛羽林前衛千戶汪文劉仁張禮李雙兒黃真李海劉聚閔隆徐五金得金吾左衛千戶趙隆吳興劉榮劉得改著傳瑜莊鐸金吾右衛千戶李整馬玉王興李青李榮燕山左衛千戶吳琛羽林左衛千戶王能羽林右衛千戶

蔣旺府軍衛千戶張旺通州衛千戶張義高郵衛
千戶楊瑞太原前衛千戶鎖拿哈父紐兒該前燕
府儀衛正袁江俱為指揮僉事江任錦衣衛文旗
手衛仁真俱本衛能掄紐兒該俱羽林左衛趙隆
羽林右衛鐸禮吳興俱金吾前衛整玉王興青蔣
旺俱金吾右衛得金吾後衛雙兒瑋聚海張旺俱
府軍衛環府軍左衛義劉榮俱府軍右衛著閔隆
五金得俱府軍後衛李榮江淮衛擢金吾左衛孟
全為本衛指揮同知初全隨征至渡江累有奇功
故特超陞之○己酉以湖廣襄陽府知府陳禎為
鴻臚寺右少卿陞鴻臚寺左寺丞樊敬為左少

卿改右寺丞嚴朝貴為左寺丞○夜有星如鷄
子大青白色尾跡有光出太子旁東北行入天棊
曉刻有星如盞大赤色光燭地出紫微西番內東
北行入輦道二小星隨之

大明太宗文皇帝實錄卷之十四

大明太宗文皇帝實錄卷之十五

洪武三十五年十二月庚戌朔

上南郊省牲還御奉天門進公卿大臣諭之曰祭祀莫大於郊古者犧牲粢盛不備不潔不敢祭而帝牛滌三月其敬如此明日以始鄉等繼朕省牲便應秉對越之誠不可怠忽自古天子之祭皆公卿助相國家生民受福卿等亦預享之不可不謹○寧化王濟煥永和王濟煥來朝○以宋琥為駙馬都尉尚皇第三女安成公主琥後軍左都督晟長子也陞通政司右通政李志剛為禮部尚書○

上以北平山東河南鳳陽淮安揚州徐州等處嘗
經兵革民力未蘇令工部覈其歲辦之物免量
有差○免山東濟寧州民歲辦絲革野味等課
以其流徙初歸故也○辛亥

上諭禮部臣曰公侯年老者皆歷事

皇考多效勞動今筋力既衰日與群臣並入朝參
觀其步趨之難朕所不忍自今令朝朔望其見
任事不在此例○壬子勅兵部嚴武臣冒襲之

禁初

上即位念諸將勤勞既老而無子孫弟○姪者特
許養子或婿襲職一次以終養之用報前功其

後有黃緣易姓冒襲者故特禁之○癸丑蠲北
平山西山東河南鳳陽淮安揚州被兵郡縣
永樂元年夏稅農桑絲綿其山東鹽運司累歲
所虧鹽課亦蠲之○勅戶部以遼王植之國荆
州谷王穗之國長沙二府歲用祿米已有定制
其荊州長沙在城商稅各與之○甲寅遣使賫
詔諭哈烈撒馬兒罕等處并賜其酋長金織文
綺○遣使賫詔諭別失八里王黑的兒火者并
賜之綵幣黑的兒火者元氏苗裔也○戶部尚
書夏原吉等進會議在京官吏軍士俸糧支米
鈔格公侯伯駙馬儀賓祿並全支米其文武官

一品二品俸支米者什之四三品四品什支五
五品六品什支六七品八品什之八餘折支鈔每石
折鈔五貫九品雜職吏典知印總小旗軍並全
支米奉天征討自指揮以下有家屬者亦全支
米家屬在原衛者其米於京倉支什之三於原
衛者支什之七總小旗軍俱於原衛支米在京
每月別給行糧米六斗悉從其議命俸米折支
鈔者每石增五貫為十貫○乙卯復設天下郡
縣陰陽醫學遵舊制也○陞鴻臚寺序班觀清
本寺右寺丞觀清韃靼人以通虜中文字故進
用之○丙辰命中都留守司副留守常善徃潞

州脩葺慶成王府諭之曰此非王之定居毋浮
於制以勞吾民○設雲南孟養木邦孟定三府
威遠鎮沅二州以土官頭目力木旦為孟養知
府罕的法為木邦知府刁渾立為孟定知府刁
算黨為威遠知州千夫長刁平為鎮遠知州○
陞都指揮僉事張麟為陝西都指揮同知○鳳
陽府奏請移浮橋于舊城臨淮馬頭從之○丁
巳實授前署浙江道事監生汪真為本道監察
御史○命吏部欽天監正佐官歲滿不考覈著
為令時監副徐伯陽考滿吏部言監副非四品
以上官宜加考覈

上以欽天監職專占候非常調官故有是命○陞
都指揮僉事李賢金吾左衛指揮使溫原金吾
右衛指揮同知華旺俱為都指揮同知賢旺俱
任遼東都司原河南羽林前衛指揮使高文指
揮僉事洪宗營州中護衛指揮使范嵩揚州衛
指揮使牛諒武昌衛使謝鳳廣寧右護衛指揮
使徐剛通州衛指揮同知左興俱為都指揮僉
事惟鳳任浙江都司宗河南羽林前衛指揮同
知陳中革來王聚金吾左衛指揮同知孔武高
成孫福楊家奴指揮僉事伯顏帖木兒金吾右
衛指揮同知劉斌魏正黑廝指揮僉事錢通燕

山左衛指揮同知王福大寧左衛指揮同知孟
祥通州衛指揮同知張敬俱為指揮使武成孫
福楊家奴敬伯顏帖木兒俱任金吾左衛正黑
廝俱金吾右衛祥金吾後衛王福革來俱羽林
前衛中斌俱府軍衛通府軍右衛聚府軍後衛
羽林前衛指揮僉事高昭張剛賈浩千戶高
魏興金吾左衛指揮僉事劉欽盛瑄周鑑劉海
白玉也先千戶寧成陳貴張安兒裴忠金吾右
衛指揮僉事姜昇張海李旺劉鑑千戶韋志馬
俊周敬李剛傅斌鄭馬周與金吾後衛千戶苗
青燕山右衛千戶王得孛羅濟寧左衛千戶張

震彰德衛千戶史壯哥薛兒俱為指揮同知壯
俊俱任孝陵衛劉海也先安兒震得孛羅忠馬
周興史壯哥薛兒俱金吾左衛昇志俱金吾右
衛青金吾後衛張海張剛浩俱羽林前衛王劉
鑑俱羽林左衛清敬李剛俱府軍衛斌府軍左
衛瑄周鑑成貴俱府軍右衛昭魏興俱府軍後衛
欽虎賁左衛羽林前千戶李旺紀剛吳仲安金
吾左衛千戶丁貴楊安盧真許貴金吾右衛千
戶王真王忠梁山盧膺童長吉田景道李靖崔
得宋聚丁旺肅成徐仲良燕山前衛千戶許安
羽林衛千戶謝貴劉彥深富峪衛千戶戚義營

州衛千戶程子實蔚州衛千戶柳旺俱為指揮
僉事得任孝陵衛彥深金吾前衛丁貴王真忠
山膺童長吉景道靖俱金吾右衛李旺謝貴俱
羽林前衛盧真羽林左衛聚丁旺成義俱羽林
右衛楊安旗手衛許安虎賁左衛剛仲安子實
俱府軍衛柳旺仲良許貴俱府軍右衛命金
吾左衛故千戶王十馬子敬龍陞本衛指揮同
知○廣西總兵官右軍都督同知韓觀言近禮
部負外郎李宗輔等賚勅撫安叛蠻臣即遣官
與之俱往今桂林諸郡蠻民五千九百餘家已
復業惟思恩縣叛蠻五千百餘戶尚未向化桂林

慶遠柳滌四府累報蠻賊常公察常多成譚公安等拒殺官軍及良民六千五百餘人搶掠牛馬五千四百有騎此悉徑撞素梗王化累嘗作亂非可以化服

上命復業者善加撫恤梗化者發兵誅之○以臘日賜文武群臣宴○戊午四川安順等州土官思得等來朝貢馬賜之鈔幣○己未陞金吾左衛指揮使張子軍營州衛指揮使朱瑤宿州衛指揮同知雷春俱為都指揮使山西行都司都指揮僉事董忠羽林前衛指揮使趙麟俱為都指揮同知羽林前衛指揮使王興金吾左衛指

揮使周貴阿迷失里指揮同知張勇阿罕赤金吾右衛指揮使盧伯奴不刺忽沂州衛指揮使闕義永平衛指揮使聞忠八郎金吾右衛指揮使高建萬全衛指揮使黃寶蔚州衛指揮使立義大同右護衛千戶廖斌俱為都指揮僉事軍子寶俱任山西都司忠斌立義俱山西行都司璫麟貴阿迷失里與闕義勇俱大寧都司盧伯奴不刺忽聞忠八郎俱北平都司璫阿罕赤俱陝西行都司春河南都司羽林前衛指揮同知劉興千戶忙哥帖木兒沈縉與金吾左衛指揮同知劉友才指揮僉事高成金吾右衛指

揮同知張福俱為指揮使羽林前衛指揮僉事
雍行簡千戶劉旭金吾右衛指揮僉事呂中朱
得成上都驢濟州衛千戶表拾俱為指揮同知
羽林前衛千戶張福為指揮僉事文才興張福
成壯哥帖木兒纏與俱任羽林前衛行簡旭拾
俱金吾左衛得成上都驢指揮張福俱金吾右
衛中府後軍衛命羽林前衛故千戶范驢馬子
祥龔陞本衛指揮同知買買子伴必龔陞本衛
指揮僉事燕山衛千戶王僧兄弟智龔陞金吾
左衛指揮同知○庚申以守城功陞北平保定
府知府維僉為刑部尚書仍掌保定府事賜銀

二百五十兩文綺十八匹有副鈔四百四十錠
○陞萊州衛千戶李實為山東都指揮僉事彭
成衛千戶劉成威整吳瑛俱為指揮使金吾左
衛千戶王璿武整金吾右衛千戶譚俊燕山前
衛千戶王雲彭城衛千戶秦興百戶齊甫俱為
指揮同知金吾右衛千戶馬閏燕山左衛千戶
劉得侯從善彭城衛千戶李能王成俱為指揮
僉事劉成任金吾前衛威整甫璿武整俊得從
善能俱金吾左衛瑛王成俱金吾右衛雲金吾
後衛興閏俱羽林前衛○辛酉勅鎮守雲南西
平侯沐晟曰西南諸夷難服者叛昔

太祖高皇帝命爾父鎮之夷民畏服爾其恪盡乃心
嗣爾父之勲績敬哉毋忽○設廣西安隆長官
司給印信隸四城州以安隆峒土酋岑子得為
長官子得洪武中嘗領土兵策應官軍攻討蠻
寨未歸其功至是自陳遂命開設衛門撫綏土
人仍置流官吏目一負○寧夏總兵官左都督
何福以邊地降虜有叛去者請舉兵討之勅諭
福曰夷虜諂詐不可憑恃自古則然但今朝廷
大體當以誠心待之春秋馭夷之道來者不拒
去者不追蓋彼之來既無益於我則其去也亦
何足置意况其同類類衆其間必有相與為親

戚者今若以兵討叛其未叛者亦將置疑不若
姑聽其去但嚴兵備固疆圉養威觀釁順天行
事如造次輕舉後悔無及○壬戌定稟集軍更
代法初衡州府來陽縣民王旦保言洪武中戶
三丁以上稟正軍一名別有貼戶正軍病死貼
戶丁補役今編黃冊未審惟編正戶為軍或改
編貼戶命禮部會官議禮部議奏會議以正軍貼戶造
冊一如舊制輪次更代週而復始若貼戶止有
一丁者免之當軍之家免一丁差役從之○癸
亥加遼王植祿米五百石歸其在城商稅於有
司○復慶遠衛軍民指揮使司改廣寧中右左

三衛仍為中左右前後五屯衛設寧夏左右中
前四屯衛。西寧衛土官衛鎮撫李南哥進馬
賜鈔二百錠綵幣十表裏。甲子陞保定府同
知盧祥為北平布政司右參議。韃官怯烈帖
木兒哈剌脫歡李刺兒來歸賜銀鈔文綺襲衣
有差仍授千百戶之職怯烈帖木兒言韃官阿
卜都罕等五百餘人居塔灘之地俱欲內屬。
上勅寧夏總兵官左都督何福可遣官一員與怯
烈帖木兒往塔灘護阿卜都罕等前來則擇善
地處之若其欲朝亦遣人送來。乙丑陞池州
銅陵縣典史張璉為通政司左通政璉初任北

平按察副使坐前藩邸事黜降故召用之。擢
儒士軒伯昂為山東布政司左參議

上初即位詔求懷才抱德之士江西首以伯昂應
詔故超用之。陞金吾前衛指揮僉事徐膺緒
為中軍都督僉事膺緒中王武寧王達之季子
皇后弟也。戶部尚書夏原吉等言比者河南山東
等處米價翔踊北平鹽糧價重商民少中宜以
原定淮浙鹽糧量減五升每引止令納米二斗
五升其河南并川鹽仍如前議從之。丙寅河
間滄州鹽山等縣饑詔民採鹽米者勿禁
安撫北平郡縣戶部郎中李昶言郡縣之民雖

多復業今尚艱食且乏牛耕種

上命官市牛給之。○夜月犯軒轅御女星。○丁卯命成安侯郭亮鎮守永平山海操練軍馬撫安軍民

上問兵部尚書劉儁曰今天下畜馬幾何儁對曰比年以軍興耗損所存者二萬三千七百餘匹上曰古者掌兵政謂之司馬問國君之富數馬以對是馬於國為最重我朝置太僕專理馬政各軍衛皆令孳牧雖建文不君耗損者多然亦考牧無法卿等宜循洪武故事嚴督所司用心孳牧庶幾有蕃息之效 陛前燕府良醫正韓公

戎為太醫院叛。○復河南布政使黃繼先官繼先建文中坐累為民至是赴京自陳故復之。○設徽州府歙縣新安驛。○寧夏總兵官左都督何福言陝西都司行都司軍士精壯者下屯史軟者操備非防邊捍適之道宜簡閱而易置之庶各邊用且寧夏各衛馬軍不善射者一槩全支月糧宜簡閱依步兵半給悉從之。○戊辰陞都指揮同知趙忠為後軍都督僉事北平都指揮同知吳成雲南前衛指揮使胡通俱為都指揮使羽林前衛指揮事李騰指揮同知劉得臨洮衛指揮僉事李智金吾左衛軍士李信俱為都

指揮僉事成任北平都司通貴州騰湖廣得山
西智陝西行都司信掌金吾左衛事金吾右衛
指揮同知王忠燕山右衛指揮同知娼蒲可羽
林前衛千戶吳善府軍後衛千戶脫火赤俱為
指揮使羽林前衛指揮僉事楊興史能千戶蕭
能金吾左衛指揮僉事馮得何興周忠張達千
戶朱海周玉司存向忠張英胡順王壽苦失帖水
兒徐原鬼里儲從禮鮑林泉金吾右衛指揮僉
事柳剛千戶彭旺王忠燕山左衛千戶王保保
百戶張雄軍士張戶子陳欽張貴羽林右衛指
揮僉事蘇火耳灰留守右衛指揮僉事李景隆

涼衛指揮僉事陳貞濟陽衛千戶董敬王士宜
百戶徐貴大寧右衛千戶周能彭城衛千戶張
敬俱指揮同知羽林前衛千戶謝榮智成傳敬
卜仲張雄金吾左衛千戶蕭興齊整談廣普
祥繆忠趙成金吾右衛千戶擅勝苗敬張榮朱
祥曹旺成得金吾前衛千戶任旺薛真燕山衛千
戶劉旺忠義中衛千戶樊榮會州衛千戶鄧時
大寧右衛百戶武灝羽林衛軍士任勝俱為指
揮僉事中娼蒲可馮得擅勝苗敬張榮朱祥繆
忠趙成劉旺俱為金吾右衛善羽林衛脫火赤
周能謝榮俱府軍後衛蕭能存向中英順壽苦

失帖木兒原魁李從禮林泉張敬董敬士宜徐
貴戶子欽張貴達指揮同知張雄俱全吾左衛
智成真俱全吾前衛王忠任旺普祥時俱全吾
後衛史能仲任勝蕭興俱羽林前衛何興保保
王廣指揮僉事張雄俱羽林左衛火耳灰彭旺
整俱羽林右衛海真俱府軍衛樊榮灝俱府軍
左衛剛固忠曹旺傳敬俱府軍右衛楊興景成
得俱旗手衛命羽林前衛故千戶劉得子政侯
仲良孫青啟龍陞金吾左衛指揮同知皆以征討
累立戰功不次而用之。已巳金華府義烏縣儒
學教諭高澤上言謂歷代之興替本於人臣

之忠佞忠臣致治之本佞臣致亂之源故為人
君者必去奸邪而近忠直昔

太祖高皇帝親理萬幾擢任忠良正令由已是致
天下一統治教休明迨建文嗣位改令刑賞委
之臣下其臣互相朋扇擅作威福

祖宗良法善政往往更改

陛下觀此奸弊興兵討亂扶持

宗社保安生民

上天默相以寡勝衆遂得繼承鴻業君臨天下天
下仰之如父母尤母父於子必措之生全之地
去其危亡之患其要在於任賢勿貳去邪勿凝

遠宗堯舜近法

先帝兼聽無偏勵精求治選識達之臣朝夕議政
無謂治功已成而忘維持之道也且惟辟作福
惟辟作威紀剛不可不振政柄不可以移下願
總攬權綱政令由已勿容臣下得以擅專則
政柄有歸天下稱為明君矣自古帝王必虛心
納言自今臣民有所論奏願假以辭色使得各
盡其情善者采之不善者置之則貴臣不敢蒙蔽
下情得以上達忠言日間天下之事無壅滯矣
書曰民惟邦本無民何以為國比土自建文以
來人民倉於衣食率多流移今令各還原籍免

其三年差稅恩至厚也願令有司凡已復業者
用心撫綏貧不能還鄉者聽其收戍復業庶得
兩便

上嘉納之以示六部尚書侍郎曰踈遠之臣猶能
存心國事在朕左右受腹心之託者當思正直
自奮用副委任○庚午陞雲南都指揮同知王
俊為都指揮使○辛未命戶部歲給齊王博祿
米一萬石○賜代王桂書曰吾弟言女戶徐忠
欲得如奉天靖難功臣例陞指揮使徐忠本黨附
群奸以為危我者為吾弟故釋之不問而忠猶
妄覲非分之思其忠何功欲得陞官朝廷以名

爵為激勸有功者不敢各無功者不敢濫陞其至
公乃足服衆今若無功濫予將來何以使人奮
制女戶但授百戶今授徐忠以百戶庶幾不違
皇考家法

上諭禮部臣曰明年正旦在京文武官在外來朝
官及四夷之使俱令預宴監生生員吏典僧道
軍民人等並賜鈔如舊制。壬申陞北平行都
司都指揮僉事張忠為都指揮使營州中護衛
指揮使朱瑤為都指揮僉事旌其守城功也保
定左衛指揮使王剛保定中衛指揮使潘禮保
定前衛指揮使尹整俱為北平行都司都指揮

僉事初剛等守行都司與敵相拒四十餘日卒
完其城故特加超擢。修江西上饒縣浮橋
戶部尚書掌北平布政司事郭資奏北平保定
永平三府之民初以聚集軍隨伍有功者已
在爵賞中矣其力弱守城者病亡相繼輒取戶
丁補役故人民衰耗甚至戶絕田土荒蕪今宜
令在伍者藉紀其名放還耕種俟有警急仍復
徵用其幼小紀錄者乞削其軍籍俾應民差從
之掌北平都司儀賓表容泰寧侯陳珪亦奏
北平軍士屯種差遣多守城者少若從資言放
還實闕守備

上曰守備不可闕田土亦不可荒蕪棄然此皆良
民初以義募於今遣還田里宜也竟從賢言

癸酉

上謂戶部尚書夏原吉曰江北地廣民稀務農者少
皇帝時嘗遣人督民耕種近因兵革蝗旱人民流
徙廢業今不及時勸民使盡力農畝將不免有
失所者來春宜早遣人督勸因歎曰古者民無
菜色然後天子食日舉以樂朕為天子誠使四
海皆給足雖不盛饌以樂侑食未嘗不樂○甲
戌壽昌王孟焯來朝○陞福建布政司右叅議
郭進為山東布政司左叅政四川布政司左叅

政孫伯堅為山東按察使○丙子加岷王榷祿
米四百石歲通二千石舊與在城南稅歸之有
司○命戶部歲給永嘉公主祿米千石○以虞
南柔甸軍民府土官知府沙姑男婦沙觀襲土
官知府○丁丑

上以北平所屬順德保定諸郡連年兵革其民衣
食不給詔戶部運鈔三十萬錠賑之戶一口至
三口鈔五鈔四口至八口十錠九口以上十二
錠○復設徽州府歙縣識染局○禮部言今造
靖江王府祭祀樂器視親王宜有降殺然舞佾
諸侯六不可減其琴笙及歌奏請殺以兩佾之

鐵七萬五千二百五十二斤鉛萬七百五十三
斤硃砂四百八十兩海肥四萬八千八百九十
四索茶百六十五萬九千一百一十七斤鹽百
二十九萬一十九引

大明太宗文皇帝實錄卷之十五

五月戊戌

蘇文
蘇文